

Mak

A tləkhdu Yukhan dadak para ud ad lav Yazhigəl

¹ Auna dule a farsud kwar lav zədan ən təghər kə Yasu Kristu, Zər Yazhigəl.

² A farsud ndəkve a vindzgud ən kadkad Ishay tlayang kwarne,

“Da bəla bəla ka də zər bəlar, sadaghin ən təvuk tsəkh,

dadake da dika dül wirvakh.”

³ “Udanen ən kwar lav də ndzəd ən təghal kwarne, “Dikamarna dül kə Dad Zikan, nandal kur dül sar ger.’ ”

⁴ Ka mədlawala Yukhan dadak para ud ən təghal, ən kwardu lav kwarne pəla udakh ad ghər, paratəralud, bisatərna Yazhigəl tsugun ad khaipakh tar.

⁵ Daghan udakhe ən əntla khaya ya Yakhudi zə udakh ya Wurshalim a dalar da vak sar, ən kwarakh khaipakh tar itar. In tsuguna ka paratəral ən zagħ ya Urdu.

⁶ A taləm Yukhan ad gabage a manava də guj dləgwam, ngudan sambal ən tə khukw tsin, dəg zuwa sar tsuguna, tsəvakwa zə yu mame ən təghal.

⁷ A kwara tərkhay ad lav Yazhigəl kwarne, “Nəg dadake da səgadagh ən tə təlg tsək, ai malke kə ndang. Ai kwal təkha tsəka kə bukgan kə vəda zaw kimbak sar bi.

⁸ A para kurar ka də yu, in tsuguna da para kura də Sədikw Yazhigəl.”

Para Yasu zə kura kur

⁹ Ən tə yanən kə sarta ka tsiyif Yasu səgadagh ən kəs Nazarat ai ən khaya Galili, ka parandal Yukhan ən zagh Urdu.

¹⁰ Madəv Yasu ən səgawal da təghay gərdz, ka nəghan ad gharazhigəl a ngurəf, ka sodagh Sədikw da təghər tsin ndək takalamasar.

¹¹ Ka tsənud kwind ən gharazhigəl kwarne, “Kha Zərar, ən way kha waya kə. Ən tsən zəda ka char.”

¹² Ən təvin təvina, ka bala Sədikw da təghal.

¹³ Ən təghalena khəna kul ufad kə Shatan uk ən kura kur. Ən gida zə dəg təghalakh itar ən vin. Ka nəgharu Zar bəlahk Yazhigəl ən vin.

A farsa Yasu ad tlərsar ən Galili

¹⁴ Ən təkhal kə ngudana Yukhan tsud ən gud sal, ka tsiyif Yasu, dal da Galili, ən kwardu lav Yazhigəl ai zədfanyan.

¹⁵ Ən kwar kwarne “A sagh sart, tləksa Yazhigəla a ghərzgan. Pəlam pəla ghər, tsuguna fadəghəro kuram ən tə lav zədan nən.”

A dakhga Yasu ad furakh sar kə dəg chak

¹⁶ Madəv Yasu ən dəgal ən tə kalam zagh Galili, ka nəghan ad Siman zə saghər sar Ndros, ən dī sik vay kilf itar da dəlv, wirva li vay kilf itar.

¹⁷ Ka nəv Yasu, “Ausəgam, gatamaks gat, da nakura kə li da dakhado udakh ka da vak Yazhigəl.

¹⁸ Ən dəvən dəva, ka dūwars itar sika vay kilf tar, ka gatars itar.

¹⁹ Daga tsin da təvuk khədikən, ka nəghan ad yakhaya kə zarbabakh mits tsugun, Yakub zə Yukhan zar Zabadi ən peryu. Ən dika sik vay kilf itar.

²⁰ Ən dəvən dəva ka dəkh tərkhai, ka dəwars itar ad dad tar Zabadi ən peryu, zə zar tlər sar, gatars itar.

A mbanu Yasu ad dadake də sədikw bəzan

²¹ Ka dagh Yasu zə furakh sar da Kafarnakhum. Sa kə fitsa ngiya ya Yakhudakh, dagh Yasu da gud dzakhava Yakhudakh. Ka farsa tsagatərdu tsag.

²² A ndawatərəf tsagdu tsaga sar kə udakh, wirva a tsagatəru ad lava ndək ude də ndzəḏ, ndək liye ən tsagdu ndzikh ndzikh bi.

²³ A zulava bi, ka sasəg kə udanen ai nguyanəf sədikw bəzan da vak dzakhava Yakhudakh. Ka tləkha tsin kwarne,

²⁴ “Uḏa ḏangwa tsəkha də kənda, Yasu ud ya Nazarati? A sa da khədz kənd khəzda nagh kha? Tsakha tsəka, kha Chuwadadan ai bəlandagh Yazhigəl.

²⁵ Ka tavarghər Yasu ad di kə sədikw bəzan kwarne, “Tərid nəkh, sawal səg ən vəgh kə udan.”

²⁶ Ka gədikanəf sədikw bəzan na də yanən kə ud. Ka khula, sawal ən vəgh tsin.

²⁷ Daghan udakhe ən vin, a ndawatərəf char. Ən ndidakava tsitar kwarne, “Uḏe neni? Wilwa tsagdu tsaga nagh? Udan na ən tsagdu tsaga də ndzəḏ. Zə batərgħər bəg tsin kə sədikw bəzanakh, kə tsənaru kə lav sar.

²⁸ Ən dəvən dəva ka kwazga lavən təghər tsin, ən khaya Galili daghan.

A mbakhatəru Yasu ak udakh zikən

²⁹ Uk sawal səg tsitar ən gud dzakhava Yakhu-dakha, ka dagh Yasu zə Yakub zə Yukhan ger da fəta zai Siman zə Ndros.

³⁰ Bab nus Simana, ən khəngan ən tuk magwəlaḅ. Kujad kujada ka kwarar khai itar kə Yasu ad lav ən təghər tsin.

³¹ Ka dagh da vak sar, ka khutanan ən tə dəv kə məlaru kə tsiya tsi. Təvin təvina, ka mbu ən tuk magwəlaḅ, ka tatər khai ad dəgway.

³² Kə khagw fitsa yanən, ḅəldagh kə fatsi. Ka zaḅardəghər udakh ad daghan liye kwal yang, zə liye ngwiyanəf sədikw bəzan.

³³ Ka dzafkhai udakhe ən khud kəs daghan ən təghay rang.

³⁴ Ka mbakhatəru Yasu kə udakh zikən, liye də kuzakh sikh sikh sikh. Ka dzətərdal kə wurduwakh zikən. Ai a ḅəlatərna ba də kwal lava kə wurduwakhən bi. Wirva tsa tsitar khulfira kə ud Yasu.

A kwardu Yasu ad lav Yazhigəl ən Galili

³⁵ Pərtə kədlə, ən sarta warkhamen, ka tsiyif Yasu, duwars ad məgh, ka dala da vake kwal nəg kə itsawar, ka dəgau.

³⁶ Simana, zə liye ən dəga itar dagh, a dalar da gat Yasu.

³⁷ Tlarchər tsitara, “Udakh daghana ən gatkha gata” Nəv itar tsin.

³⁸ Ka ngawa tərkhay Yasu, “Dziyamal da tlərna gədzar kəsakhe khəf, ki da kwardu lav Yazhigəl tsəkən vin. A sodagh kə wirva yan kə.

³⁹ Ka gwayafkhai ən khud kə Galili daghan, ən kwardu lav Yazhigəl ən gud dzakhava Yakhudakh, zə dzatərdu wurduwakh ən vəgh kə udakh.

A mbanu Yasu ad ude də kuza fəch

⁴⁰ Ka sasəg kə ude də kuza fəch da vak Yasu, kəlgan ad juguv kə takada takad, “Da khayanəf khə, təkha kha kə ghuḡkay tsərdlak.”

⁴¹ Ka kwid nəv rəv kə Yasu. Talala də dəv sara ka gəman ad udanen. Ka ni, “A khayanəf kə, ghuḡfəkhay ghuḡa tsərdlak”

⁴² Ən dəvən dəva ka ghuḡfəkhay tsərdlak ən tukw fəchen.

⁴³ Ka təkarna Yasu ad lava char, daksa niya tsin.

⁴⁴ “Kwarara ba ak itsawar ad dəge dzoghər bi. Dəg dəgal, mədlara mədla ghəragh kə zil kəs. Ka bədu kha dəg tsufe kwarga ndzikha ndzikh Mus, wirva ghuḡe a ghuḡkhayud. Ki tsatsəg kə itsawar kwarne a ghuḡkhayud.

⁴⁵ Ai udanen tsuguna, uk dəgal ən kwardu kwara tsin ad dəge a manar khai Yasu. A bəghana ba də itsauda bi. Wirva yana, ka aghba Yasu təkha kə dagh da khud kəs ən di kə ud bi. Khalak yana ka gidkavən vakakhe kwal nəg kə ud. Dakhkana ka dla udakh ən saghgawala da vak sar itsa dəvar.

2

A mbanu Yasu zə ʕisara khaip kə dadak mətsa tlepel vəgh

¹ Khal kə khəna khədikəna, ka gwidən dagh Yasu da Kafarnakhum. Ka tsəna udakh kwarne a sagh da məgh.

² Ka dzafkhai udakh dingərik, kwal dla kə vake a təmgan, itsən tə ghay rang. Ka kwaratəra lav Yazhigəl tsin.

³ Ka ʕardəghər chaləm udakh ufaḡ, ad dadak mətsa tlepel vəgh.

⁴ Fatsiye piyatərwal daks din da vak Yasu, wirva dzakhava udakh. Ka pəsdu itar ghər gud kalkal də vake din Yasu. Pəsdu tsitara, ka taldagh itar ad dadak mətša tlepel vəghen ən khəngan ən tə khindz, da təvuk Yasu.

⁵ Nəgha kə Yasu ad fadəghərofəga tar, ka niya kə dadak mətša tlepel vəghen, “Zərara, a bisakhanud khaipakhagh.”

⁶ Nəg li tsagdu ndzikha ndzikh Mus ən ndzəgan ən təvin, ən dayakava ghər itar ən revakhud tar.

⁷ “Uda lava kə udan nən kwar yan kə lava ndəkyaŋi? Ən nena Yazhigəl. Warek təkha kə bisana khaipakh da na Yazhigəl kitakul biyi?”

⁸ Təvin təvina tsa kə Yasu ad dəge ən daya itar ən rəvakhud tar. Ka niya tsitar, “Uda lava tsukur ən dayakava ina kə dəgitakh ən rəvakhuduri?”

⁹ Ira kujadan kə manara? ‘Kə kwar kwarne, a bisakhanud khaipakhaghe,’ Awana, ‘Tsiyif tsiya, 6a də khindzagh kwa dəga khi?’

¹⁰ Ai ən na ka tsatsəg tsukur kwarne, Zər Uda nəg də ndzəda bisara khaipakh kə udakh ən lardən.” Ka niya kə dadak mətša tlepel vəghen,

¹¹ “A kwarakhai kə, tsiyif tsi, 6a də khindzagh dəg daks da məgh.”

¹² Ka tsiyif, 6əf ad khindza sar ka dəgal, daga udakh tsuguna ən vazavaz. Ina kə dəgita a ndawatəraf kə udakh daghan, ka mbaɖ Yazhigəl itar, ən kwar kwarne, “A tapa bakənda nəgha dəgit ndək ina bi.”

A dakhga Yasu ad Lawi

¹³ Ka gwidən Yasu dəgal da tukw ghay dəlṽ. Ən sakha saks udakh zikən da vak sar, in tsuguna ən tsagatərdu tsag.

¹⁴ Madəvin ən dæg, ka nəgha nəgha tsin ad Lawi zər Half ən ndzəgan ən gud chaw khadam. Nəv Yasu tsin, “Tsiyif tsiya, gataks gat.” Ka tsiyif Lawiya, gatars.

¹⁵ Madəv Yasu zə furakh sar ən zu kaf ən fəta Lawi. Nəg chaləm udakhe ghər tar tsuguna li man khaip ndək li chaw khadam, ən zu kaf itar dagh. Wirvən gatars gata khutsa khutsa udakh.

¹⁶ Nəgha kə yakhaya kə Farisakh li tsagdu ndzikha ndzikh Mus, ad Yasu ən zu kaf zə li khaipakh, zə li chaw khadam liye ghərtara li khaip. Ka ndidarwal itar kə furakh sar kwarne, “Uda lava tsin ən zu kaf zə li chaw khadam zə liye ghərtara li khaipi?”

¹⁷ Tsəna tsin ad yan, ka nəv Yasu tsitar, “Liye yanga bən gat dadak ngura bi, akwa liye kwal yang. A so da dāgh li kanadi baka bi, ai li khaipakh.”

A manavar khai ndida kə Yasu, ən təghər kə zəḅ ndəl

¹⁸ Furakh Yukhan zə dæg Farisakh ən zəḅ ndəl itar. Ka sa chaləm udakha, ka ndidarwal itar kə Yasu, “A sa ndar furakh Yukhan zə dæg Farisakh ən zəḅ ndəl itara, ai furakhagha naba itar biyi?”

¹⁹ Ka nggauga Yasu kwarne, “Da mana ndar tsaghwakh zil ghaul ad ndəl, dla itar dagha zə zil ghauli? Ən manawa bi. Fatsiye dla zil ghaul dagha zitar, na itar da zəḅ ndəl bi.

²⁰ Da saks sarte da batərvalud zil ghaul ən vak tar, ən tə yanən kə sart da zəḅa itar ndəl.

21 “Na ude ən ndzəgharu wilwa kachakach kə mughura gabag bi. Da mangud ndəkyan, ka da mədukwa wilwan səgawal ən tə mughuran, ka da kukhwa mal kə ai tsa chak.

22 Tsuguna na ude ən dī wilwa yu inabi da mughuran kə mbəl vighakh bi. Da mangud ndəkyaana, ka da chə6 chə6a yu inabi ad mughur mbəl vighakhən, yu inabi zə mbəl vighakhəna, bərdagha tara da bəghud əmb. Ən manawa bi, khekwa wilwa yu inabi ən dīyud ən wilwa mbəl vighakh.”

A manavarkhai ndidə kə Dad Zikan Yasu, ən təghər kə fitsa nggi

23 Fitsa tlərn kə kasukw nggi, mədəv Yasu zə furakh sar ən dəgal diwa gukh ləkam. Mədəv itar ən dəgal, ka farsa furakh sar ad kwakhu ghər ləkam.

24 Nəgha kə Farisakh ndək yan, ka ndidarwar itar kwarne, “Udə lava tsitar ən man dəge kwal kalkal fitsa nggiyi?”

25 Ka nggawa tərkhai kwarne, “A tugwa bakh kur dəge a manga Doda? Ndzikənəf kə way zə liye ən dəga itar dagh, tsuguna ən nagha itar digita?”

26 Ən kwarga Abiyat zikan na kə zil kəs. Dagh Dod da fəta Yazhigəl, ka zu ad brudiye a bandalud, ai kalkal ba zuwa zuwa kə itsawar bi. Uk zil kəsakh kalti ən zuwan. Ka baran kə tsaghwakh sar kə zuwa zuwa tsitar.

27 Ka niya tsitar, a barkhai kə udud ad fitsa nggi, a vərđava ba ud wirva kə fitsa nggiya bi.

28 Wirva yan, Zər Ud, in Dad Zikan, in Dad Zikan fitsa nggiya tsugun.

3

A mbandu Yasu ad ud fitsa nggi

¹ Fitsa tlørn tsuguna, a da Yasu da gud dzakhava Yakhudakh. Ka næg udanen dadak mætsa dæv ən vinen.

² Ən tøb kə udakhe ən vin, næg liye ən gat dule da vide tar Yasu də ghaz. Ka vaza vaza tsitar dem, tsaghe da mbambəgin ad udanen fitsa nggi.

³ Nəv Yasu kə dadak mætsa dæven, “Tsiyif tsi, ausəg, ghitsga ghits ən van.”

⁴ Ka ndidatərwal Yasu kwarne, “Ira däge khwara kə mana mana fitsa nggiyi? Man dæg khwarane, awana dæg bəzan khi? Kat safa fitsa nggiye, awana kədga də kəda khi?”

⁵ Ka vazakh tərkhai də bazarəv, wirva bengbeng rəve din itar. Ka niya kə udanən, “Taladal dəvagh.” Ka taladal, təvin təvina ka mbu dæv sar ndid.

⁶ Nəgha kə Farisakh ndəkyan, ka dəgal tsitar da dembar lava zə liye tləkhara ləg kə Khiridus, ad dule da kəd da itar Yasu.

A gatars dzakhava udakh kə Yasu

⁷ Ka sawal Yasu zə furakh sar ən tøb kə udakh, dəgal da tə ghay dəlv, zikən udakhe ən khaya Galili a gatars.

⁸ Tsəna kə udakh ad lav ən təghər kə dəgakhe ən manin daghan. Zikən udakhe ən əntla khaya ya Yakhudi, Wursalim, zə əntla khaya ya Edom, zə li khədzəva gadzak zagh Urdu, zə udakh ya Taya zə Sidon, a sawal da vak sar.

⁹ Wirva zika udakha, ka kwarar khai Yasu kə furakh sar, kə dīkarna khədīkan na kə peryu, ki khek tləgars kə udakh.

¹⁰ Wirva a mbakhatəru kə udakh zikən. In kə mangan kə liye tukw kuzakh ən tlagəva daks da gəmagəm.

¹¹ Itsən nəghən vara sədikw bəzan ad Yasu, ka mbada itar ən təvuk sar, zə tuwa tsitar kwarne, “Kha Zər Yazhigəl.”

¹² Ka təkhatənnan chara, kwarara bai tar kə udakh ad lavən təghər tsin bi.

A dzərga Yasu ad furakh kəlatəm mits

¹³ A do Yasu da tə kalam ghuḅ, ka ḁakh tərkhai kə liye ən naghin, ka sagh itar da vak sar.

¹⁴ A dzərgan ad ud kəlatəm mits, ki nəga kə dzəran na kə furakh sar. Kə gida tsitar dagh, kə balatra bal dəgal da kwardu lav Yazhigəl.

¹⁵ Mbəladu itar ndzəḁa dzado wurduwakh.

¹⁶ Yakhana udakh kəlatəm mitse a dzərgin. Siman (ai barvin ḁakh Bitrus).

¹⁷ Yakub zər Zabadi zə saghər sar Yukhan (ai batərvin ḁakh Buwarnajis, in kwarne “Zar ya fit”).

¹⁸ Chaləmakh tsuguna itar, Ndros, Filibus, Bartalamaus, Mat, Tom, Yakub zər Half, Taddiyus, Siman ude nagh ba gwiya kə khaya sar da təlg bi.

¹⁹ Zə Yakhuz Iskariyoti, dadake a bədu Yasu.

Yasu zə Ba'alzabul

²⁰ Ən təkhal kə yana, ka dagh Yasu da tlərna məgh. Ka sa dzakhava udakh zikən da vak sar. Wirva yan, in zə furakh sar, a mbəlatəru ba ḁul zu kaf bi.

²¹ Tsəna kə yakhtar ad in, ka dəgal tsitar da ḁadoḅ. Da itar ən kurana, ba kəḁəf ghər tsin.

²² Yakhaya kə li tsagdu ndzikhha ndzikh Mus liye sodagh ən Wurshalim, ən kwar kwarne, “Ba'alzabul shik ya wurduwakh ən man tləks din.

In tsugun kə bara ndzəda lakwdu wurduwakh ən vəgh kə udakh.”

²³ Ka dakh tərkhai Yasu da vak sar, ka farsa kwaratəra lava tsin də jakəva lavakh. “Da lakwa ndar Shatan ad Shatani?

²⁴ Da təkaghəra tləks mits. Təkhakh yan kə tləks kə ghitsgana?

²⁵ Da təkaghəra udakhe ən məgh mits. Da təkha yan kə məgh kə ghitsgan?

²⁶ Da ka ən man tlughuma Shatan də ghər sar, a təkana ba də ghəra sar kina biya? Da təkha kə ghitsgan də ndzəda? A sagh ba mbasa sar kina biya?

²⁷ Nəg ude təkha kə dagh da fəta ude də ndzəda kə khuts kadlang sara? Khekwa ndzadana bakhin ndan kəda khuts katlang sar tsin ən fəta sara?

²⁸ Ən təkha kura təkha kə, təkHUD kə ɓisatərna daghan khaipakh tar kə udakh, zə daga tsafa tsafe a manarkhai itar kə Yazhigəl.

²⁹ Ai daka tsafanəfin ad Sədikw Yazhigəl, na bud da ɓisara ɓisa kə ngəda bi.”

³⁰ Dəge kə ba da kwar yana, wirva a kwarga itar kwarne, “Nəg də sədikw bəzan ən vəgh sar.”

Zarbabakh Yasu zə bab sar

³¹ Ka sagh zarbabakh Yasu zə bab sar da vak Yasu. Ghitsge tar ən mel, ka ɓəlanəf itar ad ud daks da dakhatra Yasu.

³² Nəg dzakhava udakh a tsarghəran, ka kwararkhai itar kwarne, “Babagha zə zarbabakhagh ən mel itar, ən na nəgha kha nəgha itar.”

³³ Ka ndidatərwal Yasu kwarne, “War babara zə zarbabakhari?

³⁴ Ka vazatərvala kə liye ən ndzəgan, liye tsarghəran, ka ni, “Auna babara zə zarbabakhar.

³⁵ Daga ude ən man dəge ən nagma Yazhigəl, in zərbabara, dughwbabara, zə babar.”

4

Jakva lava də tukh

¹ Fitsa tlərna, ka dala Yasu da təghay dəlv, ka gwidən farsa tsagatərdu tsaga tsin kə udakh. Dza-khava udakhe a tsarghərana zikən itar char. Wirva yana, ba da tsin da peryuwa ndzəgan əmb. Dza-khava udakh daghan tsuguna ən ghitsən təghay gərdz.

² A tsagatərdu ad dəgitakh zikən də jakva lavakh. Ka niya tsitar,

³ “Bambəg tlim, tsənam tsən, dadak wusa a dala da tukhən gukh sar.

⁴ Madəvin ən kwazdu khulfa, yakhaya ɓalal da tə ɗul, ka sa ɗikakha vadu itar.

⁵ Yakhaya tsuguna ɓalala da tə vake də jajərkh, vake kwal də khay char. Ka fətsawal itar kujad kujad, wirva vakena na khay chara bi.

⁶ Təvga kə fatsiya, ka ɓayandal ad khiyakhen, ka ghulala itar. Wirva tləla tara, a dagh ba da khay chara bi.

⁷ Yakhaya kə khulf tsuguna, ɓaldagh itar da tak. Ka ɗakala takena, ɓidzatərəf. Ka yiga ba itar zər bi.

⁸ Yakhaya kə khulf tsuguna, ɓalala itar da tə dəlɓ. Fətsawala tsitara, ka ɗakala itar, yiga itar zər ndəkchiɓ. Yakhaya yige tar zər kulkhəkərd kulkhəkərd. Yakhaya tsuguna kulunkwakh kulunkwakh. Yakhaya tsuguna dərmək dərmək.”

⁹ A mbasana Yasu ad kwar lav sar dē kwarne, “Daga ude dē tlēm tsən lava, tsənin.”

¹⁰ Madəv Yasu ən ndzəgan tukudā tukudā, furakh sar na kəlatəm mits, zə liye a tsarghəran, ka ndidarwal itar ad däge ən tuku jakva lavakhen.

¹¹ Ka niya tsitar, “Kura a khayakurnəfud ad tsa bəghan na kə däge təghər kə tləksa Yazhigəl. Ak yakhaye kwal nəg ən kura, itsaudā ən kwaratərən jakva lavud.

¹² Ki zəda,

“ ‘Ən vaza vaza itara, ən nəgha ba itar bi,
zən tsəna tsəna itara, ən diyarsəf bai tar bi
Ki khek katlga tsitar, pəlga itar ghər, bīsətərna
Yazhigəl ad khaipakh tar.’ ”

¹³ Tsuguna ka nəv Yasu tsitar, “Ai da katlga ba kur ad däge ən tuku inana kə jakva lava bi, ai da katla ndar kur ad däge ən tuku tlərna jakva lavakhi?

¹⁴ Auna däge ən tuku jakva lavan. Khulfe a kwazdu dadak tukha, in lav Yazhigəl.

¹⁵ Khulfakhe a balal da tə dūl, ən mədla jakva udakhe a tsəna lav Yazhigəl. Ba itar ən tsəna lavana, ən dəvən dəva, ka sagh Shatana khutsala də lave ən rəvakhud tar.

¹⁶ Khulfe a balala da tə jajərkh, ən mədla jakva udakhe a tsəna lav Yazhigəl, ka chauge tar kujad kujad, də khwadəg tsugun.

¹⁷ Fatsiya a tsəga ba itar ad tləl bi, uk da zulu da tə sart khədīkən itar. Da ka sagh dlada awana mbakhəl, kə wirva fadəghəro də lav Yazhigəl, ka gwiyal itar da təlg kujad kujad.

¹⁸ Khulfe a baldagh da tak, ən mədla jakva udakhe a tsəna lav Yazhigəl.

19 Ai wirva puta gidən larda, zə valdu ghər gat tluwandala, zə nagh dēgakh lard sikh sikh sikh, ka bīdzanəf ad laven. Ka na dēge ən tukuwin bi.

20 Khulfe 6alal ən tē vak du6an, ən mēdla jakva udakhe a tsəna lav Yazhigəl, chauge tar, mangga itar tlər din. Ka yige tar zər, kulkhəkərd kulkhəkərd. Yakhaya, kulunkwakh kulunkwakh. Yakhaya tsuguna, dərmək dərmək, ak khulfe a kwazduwud.

Jakva lava də kara kazaz

21 Ka zuvuk Yasu də kwarne, “Ən vədza kara kazaz khud ka barsud ən kus kə gagaya? Awana ən kus kə pin khəngana? Nabakhud ən bəga bəg ən vak bəgan sara?”

22 Dēge 6əghanud, da 6adala 6ud da tē 6al. Dēge kwargud bəghanyan, da 6ado 6ud da tē 6al.

23 Ude də tlim tsən lava, tsənin.”

24 Ka kwara tərkhai tsugun kwarne, “Bamaru tlim kə dēge ən tsəna kur. Darame ən kuradakha dēgit kə udakh din, din da kura kha dud. Da gwidən kurakha dinud mal kə yan.

25 Ude dina, da banargher bugud zikən. Ude kwal dina, ngwada khədīke dinin, da chawarval chawud.”

Jakva lava də khulfe a fətsawal ən gukh

26 Ka nəv Yasu tsugun, “Nggwadə na tləksa gharazhigəl. Nggwada ude a kwazdu khulf ən gukh.

27 Khana zə təkhum, ən fətsa khulfena ka dāk. In tsuguna ən tsa ba də dule ən fətsda khulfen zə daka bi.

28 Khayen də ghər sar ən bəgan ad khulfen da fətsa, zə dəka, səkhadal ad ghər, ka yigan ad zər.

29 Ba dəgwayen ən təkhalə tək, ka da zəḡ gidz kə da tsəga tsəg, wirva a tlala sarta tsəg khi.”

Jakva lava də khulf Mastad

30 Ka nəv Yasu tsugun, “Uḡa da kwara kiyami? Da kura də uḡa kiyam ad tləksa Yazhigəli? Awana, ira kə jakva lave da kurada kiyam mana sari?”

31 Nggwada khulf mastad, ai khədikan ən daghan khulfakhe ən tukhud ən lard.

32 Dəmbiyanen, da tukhgud, ən dəka mal kə dəgakhe ən wusud ən nggaḡ. Ən bakh gwal char, ai da təkha dīkakh kə ndzəgan ən kus kə səḡikw sar.

33 Də khulf ina kə jakva lavakh zikən, a kwara tərkhay Yasu ad lava Yazhigəl kə udakh. Kalkal dule da katlda itar.

34 Na dəge a kwara tərkhayin kwal də jakva lava bi. Ən sarte da tukuda tukuda itar zə furakh sar, ən kwaratra kwara dəge ən tuku laven.

A ghitsana Yasu ad kalanggas yu

35 Bəlga kə khagw fitsa yanən, ka nəv Yasu kə furakh sar, “Dziyamal da tə yan kə ghədzəva gadzak.”

36 Duwars itar ad dzakhava udakh, ka dagh furakh sar da peryuwe ən ndzəgan Yasu əmb. Nəg tlərna peryuwakh tsugun zitar.

37 Ka soghər zikan kə fud char ən yuwen, ən tləga tləga ghədkuta yuwa ad peryuwen. Ən daks yu da peryu, təmga khədīkən kə rigħa rigħ.

38 Ən khənkhar Yasu ən təlg kə peryu, ka bo ad ghər sar ən tə dəg bəl ghəre kurḡət. Ka tsiyanəf furakh sar, ka ndīdarwal itar kwarne, “Maləma,

na dangwa tsækha itsa ndækiyamu yuwa, æmtsæga kiyam biya?

³⁹ Ka tsiyif æn khar, tavarghær ad di kə fudən. Ka niya kə ghædkuta yu, “Ghitsga ghits.” Ka ghitsga fudən. Ka diw nəv vaken.

⁴⁰ Ka niya kə furakh sar, “Uda lava tsukur a gædzæf ndækanyi? Sakhkana na kur də fadæghærofæg biya?”

⁴¹ Ka gædzæf itar char. Ka ndidækava tsitar kwarne, “Khulf ira kə ud ineni? Zæva, fuda zə ghædkutayuwæ æn tsænaru tsæn kə lav sari?”

5

A mbanu Yasu ad dadake də sædikw bezan

¹ 13 A dala Yasu zə furakh sar, da tə ghædzæva gadzak dælva khaya Garasinakh.

² Uk sawala sæg kə Yasu æn peryuwa, ka sawala udanen ai ngwiyanæf sædikw bæzan æn gide nggitl, kə gama zin.

³ Yanen kə uda æn gidæn gide nggitl, na ude dla tækha kə nggwadanan, tsa də tsærvayu bi.

⁴ Wirva tsæn nggwada nggwadud æn tə sigakh sar, zə dəvakh sar də tsærvayu. Ən nggadla nggadla də tsærvayu. Zə kəla dæg tuse æn tə kwindæ sigæ sar. Na dadak ndzæde tækha kə payana bi.

⁵ Vida zə fatsi tsin æn gidæn nggitl, zæn tə ghuɔ. Ən khula, zə khara vægha sar tsin də kurakh.

⁶ Nægha tsin Yasu kə bit, ka tsiyif də khway, kəlga ad juguv æn tævuk sar.

⁷ Ka khula tsin char, ni, ‘Yasu, Zær Yazhigəl Ndanggan, uda dangwa tsækha də ki? A takadkhai ka də dækha Yazhigəl, baka ba də dlaɔ bi.’

⁸ A kwargan ndəkyan, wirva audzala Yasu ən kwarar khai kwara kwarne, “Kha sədikw bəzan, ausəg səgawal ən udan.”

⁹ Ka ndidarwal Yasu kwarne, “War dəkhaghi?” Ka nggawar khai kwarne, “Dakhara Ghamag, wirva zikən kənd.”

¹⁰ Ka gwidən təkhaval kə takad Yasu tsin char, khek lakwtərdu tsin səgawal ən əntla khayen.

¹¹ Nəg gida daguwakh ən zighw ən tə kalam ghuḥ.

¹² A takadga wurduwakh ad Yasu, kwarne, “Khaya kəndanəf khaya, daks da daguwakhin.”

¹³ Ka khayatərnəf, ka sawal sədikw bəzanakhen, ka dagh itar da daguwakh. Gida daguwakhena a ḅa itar dəb mits. Ka dadardagh itar dəgdagh diwa tsəḅan na kə ghay gərdz, ka ḅaldagh itar da yuwa, ruga itar.

¹⁴ Ka khwaya li zighw daguwakhen daks da khud kəsa, zə gədzar kəsakh, kwarar khai itar kə udakh ad dəge dzoghər. Ka sawala udakhen, dala itar da vaz dəge dzoghər.

¹⁵ Sa tsitar da vak Yasu, ka nəgha itar ad dadake tsa ghamag sədikw bəzanakh əmb, ən ndzəgan. Də gabag ən təvəgha sar, zən məkən sar khwaranyan. Ka gədzəf udakhen.

¹⁶ Liye tsa nəghan də diyakh tar ad dəge a dzoghər, uk kwara khatra kwara tsitar kə udakh, ad dəge a dzoghər də dadake tsa ghamag sədikw bəzanakh ən vəgh sar, zə daguwakhen.

¹⁷ Ka farsa udakhen ad takad Yasu, kə dūwatərda khay tar tsin.

¹⁸ Madəv Yasu ən daks da peryuwen, ka takadga ude tsa ghamag sədikw bəzan ən vəgh sar ad Yasu, kə khayarnəf dəgal tsin dagh.

¹⁹ Ai ka khayarnəf ba Yasu bi. Ən dleva yan, ka niya tsin, “Dəg daks da məgh, da vak yakhur, kwara tərkhai kwara ad zik zikan na kə dəgakhe a mana khai Dad Zikan, zə kwidkwidərve mana khayin.”

²⁰ Wirva yan, ka təkaval sar, ka gwayava tsin ən Dikapolis, kəsakh kəldək, ən kwarakhdu dəge a manar khai Yasu. A ndawatərəf, kə daghan liye a tsənan.

A tsiyanəf Yasu ad dughw Yayirus ai tsa mətsəgan, a mbanu tsugun ad nusen

²¹ Gwiyoghər kə Yasu saks da tə ghədzva gadzak dəlve tsa dinin, ən peryu. Ka tsarghəra dzakhava udakh zikən. Madəvin tlaḡ ən tə kalam ghədzva gadzaka,

²² ka nəg udanen kitakul ən təb kə zikan ən təghər kə gud dzakhava Yakhudakh, dəkhasara Yayirus ka sa. Nəgha tsin Yasu, ka sagha kəlɡan ad juguv ən təvuk sar.

²³ A takadgan char, “Khədikan na kə dughwara ən yanga bi, da məts. Tatl ausəg da bo dəvagh ən təf, kə mbandu mbəg tsəkh, khek əmtsəga tsin.”

²⁴ Ka dala zə Yasu.

Ka gatatərs dzakhava udakh zikən, ka bidezənəf itar.

²⁵ Ka nəg nusen ən vin, ai a zulavan ən kəl vizh vəg kəlatəm mits.

²⁶ A khəbu a dlad char ən vak gat nggur, ən vak li bədu nggur. Kəḏgan ad khalavuwa dəge dinin. Dəmbiyanena, a mbu bi. Ən mbəra də mbəra kuzen.

²⁷ Ka tsəna nusen ad lavən təghər kə Yasu, ka sasəg tsin shuwakh ən təb kə udakh diwa ləg Yasu. Ka gəman ad gabag Yasu.

²⁸ Wirva a ḏayandagh ən rəvakhud sar kwarne, “Da gəma ka itsa gabag sara, da mbəga kə.”

²⁹ Təvin təvina ghitsga kəl vizh sar. A tsənan ən vəgh sar kwarne a mbu.

³⁰ Təvin təvina ka tsəna Yasu ad səgawala kə ndzəd ən vəgh sar, a manggan ad tlər. Gwiyafkhaya ka ndidatərwal kə dzakhava udakhen kwarne, “War kə gəma gabagari?”

³¹ Ka nəv furakh sar, “Ən nəgha nəgha kha dza-khava udakh ən tlagva kə ḃidza kha ḃidza ndikina, ka ndid kwarne war kə gəmakan nikha?”

³² Ka ḃalakh di kə Yasu, kə vaz ude kə gəman.

³³ Fatsiye a audzal nus na tsa dəge a dzoghər dina, ka saks tsin da kəl juguv ən təvuk Yasu. Ən təga vəgh sar də gədz, ka kwar khai ad khalavuwa jir.

³⁴ Ka nəv Yasu tsin, “Dughwara, fadəghərofəga kə mbakhu. Dəg daks də lapi, a mbu khən tukw kuzagh.”

³⁵ Madəv Yasu dlən kwar lava, ka sagh yakhaya kə udakh ən fəta Yayirus, mal ən təghər kə gud dzakhava Yakhudakh. Nəv itar tsin, “A mətsga dughwagh, uḏa dla dəg njəgharu njəgha tsəkha kə maləmi?”

³⁶ A baru ba Yasu ad tlim kə lave a kwarga itar bi. Ka niya kə Yayirus, “Gədz biya, fadəghərofəg bakh.”

³⁷ A khayanəf ba Yasu ad gatars gata kə itsawar bi, uk Bitrus, zə Yakub zə zərbab sar Yukhan.

³⁸ Tsugwa tsitar ən fəta mal ən təghər kə gud dzakhava Yakhudakh, ka nəgha nəgha kə Yasu ad yakhaya kə udakh ən tuwa, yakhaya tsuguna ən khul.

³⁹ Dagh da vak tar, ka ndidatərwal kwarne, “Uda lava tsukur ən tuwa zə khula ndikini? A mətsga ba dughw na ndan bi, ən khənkhar.”

⁴⁰ Ka ghuḅasa ghuḅasa tsitar də nen. Ka lakwtəral kə udakh daghan dəgal da mel. Ka daks tsin zə dad dughwen, zə bab sar zə furakh sar na khəkərd, da vake din dughwen.

⁴¹ Khutana tsin dəva dughwen, ka niya tsin, “Talita kumi.” In kwarne, “Zər dughwa, ən kwara kha kwara ka, tsiyif tsi.”

⁴² Təvin təvin ka tsiyif zər dughwen, ka farsa dəga tsin ən təb tar. Dughwena, khi kəlatəm mits tsin. Ina kə digita a nala kə dəg ndawak tsitar.

⁴³ A ndədatərna Yasu ad tlim chara, kwarne, tsəna ba itsawar ad lavəna bi. Ka gwidən kwara tərkhai kwarne, bara bəg itar dəg zuwa kə dughwen.

6

A dūdud Yasu ən Nazarat

¹ A dūda Yasu ad yanən kə vaka, a gwiya da kəs sar. Dala furakh sar zin.

² Sa kə fitsa nggi, ka farsan ad tsagdutsag ən gud dzakhava Yakhudakh. Daga liye a tsənan ad tsagdutsaga sar, a ndawatərəf. Ka ndida tsitar, “A mbəladu ən ma udan na ad dəgakhani? Khulf ira kə

kwelemlem a barud ndikini? Vaza də khulf dæg dawakakhe ən manin.

³ Dadak tsakh məgh na ba ina biya? Maryam bakh Bab sara? Saghərakh sar bakh Yakub, zə Yukhan, zə Yakhuda, zə Simana? Saghərakh sar bakh dəghawakhan ən gidən vakmara? Ka chauga ba itar bi.

⁴ Ka nəv Yasu tsitar, “Na tlayangge kwal də ndanga bi, uk ən kəs sar, zən tək kə jib sar, zə li fəta sar.”

⁵ Wirva yan, a mangga ba də dæg ndawak ən vin bi, uk dəv a bakhwin ən tək chaləm liye kwal yang, a mbakhatru.

⁶ Kud fadəghərofəg tara, a nala kə dæg ndawak tsin.

Ka dakhgal tsin da tsagdu lav Yazhigəl ən gədzar kəsakh sikh sikh sikh.

A 6əlandal Yasu ad furakh sar kəlatəm mits

⁷ Ka dakhgan ad furakh sar kəlatəm mits, kə 6əlatra 6əla də mits mits. Ka batran ad ndzəd ən təghər kə sədikw bəzanakh.

⁸ Ka təkhatənnan kwarne, a dūwam zə6 itsa ufa kə dəgal uk golv. A dūwam 6ə dæg zuwa, itsa jilad, zə kwa6 ən mbəlur.

⁹ Taləm kur kimbak. Talam tala gabag, 6amba tlərna gabag bi.

¹⁰ Itsera kə məgh ən dagh kur, ndzamga ndzəg ən vin, da tək sarte da dūwars kur kəsen.

¹¹ Daga vake kwal chaukur khai tsud, awana kwal tsənakuru tsud. Da da dūwars dūwa kur ad yanən kə vak, ka pangdu kur ad lagwat ən tək sigur.

Ki nəga tsin kə shid ən təghər tsitar, kwarne da takatra lava Yazhigəl.

¹² Ka dala itar, ka kwardu lava tsitar kwarne, pəla udakh ad ghər.

¹³ A lakwadal itar ad wurduwakh ən vəgh kə udakh zikən, a masar khai itar wal kə liye kwal yanga zikən, ka mbakhatru itar.

Dule amtsəda Yukhan dadak para ud

¹⁴ A tsəna Khiridus shik ad dəge a dzoghər, wirva a kwazga dākha Yasu itsa dəvar. Nəv chaləm kə udakha, Yukhan dadak para ud kə tsiyif ən nggitl. Yan kə manggan nəg də ndzəda manakh dæg ndawakakh.

¹⁵ Av yakhaya, udan na ‘Ili.’ Av chaləmakh tsuguna ‘Ina tlayang, ndək fang ən təb kə tlayangakhe tsa ndur.’

¹⁶ Tsəna kə Khiridus ad yan, ka ni, “Yukhane a əntlərgər ka ghər a tsiyanəfud ən nggitl.”

¹⁷ Wirva Khiridus də ghərsar tsa ba də yakhaya kə udakh da vi Yukhan, kə ngudə ngudə tsud, bəməd ən gud sal. A mangan ad ina kə wirva Khirudi nus zər dad sar Filibus, ai pərduwin kə nəga kə nus sar.

¹⁸ Wirvən tsən kwarakhara kwara Yukhan kə Khiridus, kwarne, “Kalkal ba pərd nus zər dadagh tsəkha kə nəga kə nusagh bi.”

¹⁹ A bazardu lavan ad rəv kə Khirudi tsuguna a mbitsana bi. Wirva yan, ka tsən nagha də kədga Yukhan. A gəmadu ba də dūl bi.

²⁰ Wirvən gədza gədza Khiridus ad Yukhan, a khayanəf ba gəma gəma kə itsauda bi. Wirva tsatsin kwarne, Yukhana dadak kanadi zə chuwaɖaɖa rəv. Itsəra kə sarte ən tsəna Khiridus

ad kwar lava kə Yukhan, ka ndzikən ndziya char. Tsakhənmina, zəda tsin tsən lav sar.

²¹ Kə dəg mbasa ka gəmadu Khirudi ad dūl. Fitsa dzama khəna yiga sar kə Khiridus. Ka ɓalga Khiridus ad zik zikan na kə udakh sar, zə zik zikan na kə tlujiyakh sar, zə malanakh kəs ya Galili.

²² Sagh kə dughw Khirudi da vak khwadəg, tsugwa tsin, ən təvuk kə Khiridus zə ghulabakh sar, ka zədatəru tsugwen. Ka nəv shik kə dughwen, “Takada də itsaudən nakhən vakar, da bakha bəg kə.”

²³ A wadar khai Khiridus kə dughw na kwarne, “Itsaudən takadgakha da bakha bəg kə, itsa təkənud əntla khaye ən mana ka tləksa sar mits.”

²⁴ Ka dala dughwena, ndidarwal kə babsar, “Uda da dawaki?” Ka niya tsin, “Ghər Yukhan dadak para ud.”

²⁵ Ka gwiyal kujad kujad da vak shik. Takadgan kwarne, “Ən naka baka bəg tsəkha ghər Yukhan dadak para ud ən tə play təkhi təkhi.”

²⁶ Tsəna kə shik ad yan, ka bazala rəv tsin char. Wirva wade a zugin, zə zhiruwe da khəɓin ən təvuk kə ghulabakh sar, nagh ba də kəla lanji sar bi.

²⁷ Ka ɓəlanəf ad fang ən təb kə tlujiyakh sar, dəgin dəgal da ɓardəghər ghər Yukhan. Ka dala tlujiyena, əntlardəghər ad ghər Yukhan ən gud sal.

²⁸ ɓadəghər ad ghəren ən tə play. Baran kə dughwen, ka ɓara dughwen kə bab sar.

²⁹ Tsəna kə furakh Yukhan ad yana, ka sagh itara da zəb gədzumba vəgha sar, ka ba itar ən dūngwe khurzəz.

A bara Yasu ad dəg zuwa kə udakh dəb dliɓ

³⁰ Dzəran na kə furakh kəlatəm mits ai tsa bəlatər ndalin, a sara da vak sar. Kwarar khai itar daghan dəgakhe manga itar, zə dəgakhe tsagardu itar kə udakh.

³¹ Wirva zikən udakh ən səgawalina ən daksin, itsa sarta zu kafa a gəmadu bai tar bi. Ka niya furakh sar, “Ausəgam, na dziyamal da tlərna vake kwal nəg kə itsawar, fətavkhai kiyam.”

³² Ka dagh itar da peryu, dala itar tukuda tukuda, da vake kwal nəg kə itsawar.

³³ Ən sarte tsən dəgal itar, zikən udakhe a nəghatəran, ka katlga itar kwarne itar ən dəgal. Ka khwaya kə udakh zikən ən khud kəs dəgal də sig diwa kalam zagh, ka itar kə dala chak təghər kə Yasu zə furakh sar.

³⁴ Sawala kə Yasu ən peryuwen, ka nəghan ad dzakhava udakh char. Kwid nəv rəv tsin, wirva nggwada tuwaghakhe kwal nəg kə dadak zighw itar. Ka farsa tsagatra dəgitakh sikh sikh sikh tsin.

³⁵ Dəm kə fatsi da bəla, ka sagh furakh sar, ka nəv itar tsin, “Vak na, na itsawar bi, tsuguna a dəm fatsi da bəl.

³⁶ Bəlatərs bəla kə udakhan na daks, da khud kəsakh zə gədzar kəsakhe khəf ən van, kə səku dəg zuwa tsitar kə ghətar.”

³⁷ Ka ngawa tərkhai Yasu kwarne, “Bamatra bəg kur dəge da zuwa itar.”

Ka nəv itar tsin, “Ina da nagma də kwaḅ təl əntla vəg, kə dadak man baryam. Dəg kənda dəgal da kəd kwaḅ pakyan ən təghər kə brudi, kə batra kə zuwa zuwa nikha?

³⁸ Ka ndidatərwal, “Ngərwa dumba brudi din kuri? Dam da nəgha nəgh.”

Dala tsitar da nəgha nəgha, kwarar khai itar, kwarne, “Brudi dliḡ zə kilf mits.”

³⁹ Ka bətra Yasu kə furakh sar, babəg itar udakh da ndzakhga ndzakha kə dakwala kə dakwal, ən tə dzuḡ.

⁴⁰ Ka ndzakhga itar kə dakwala kə dakwal. Yakhaya kə dakwala, dərmək, yakhaya tsuguna kuldləḡ.

⁴¹ Ka ḡəf Yasu ad ḡumba brudiyen dliḡ zə kilfen mits. Kapanan ad ghəra, vazo da gharazhigəl, kwarar khai ad usus kə Yazhigəl. Ka kalanan ad ḡumba brudiyakhen, baran kə furakh sar, kə takara kə udakh. Takatər khai ad kilfakhen mits na kə udakh daghan.

⁴² Itsawara a zu, a bagharal daghan.

⁴³ Ka dzakhanəf furakh sar ad tughub kəlatəm mits, kə kala brudiya zə kilfe təmgan.

⁴⁴ Zika ghwalvakhe zuzuwa dəb dliḡ.

A manga Yasu ad dəg ən təghər kə yu

⁴⁵ Ən dəvən dəv, ka kwarar khai Yasu kə furakh sar, daks da peryu kə dəgal tsitar da tə ghədzəva gadzak kalam Betsed. In tsuguna da ḡəlatərs kə udakh ndan.

⁴⁶ Ən tə khal kə ḡəlatərs ḡəla tsin daksa, ka do da tə kalam ghuḡ kə dəgau.

⁴⁷ Bəlgə kə khagwa, tsən təb kə dəlv peryu, in tsuguna tsa tukudə tukudə ən tə bədar.

⁴⁸ Ka nəghan ad furakh sar ən khəḡ dlad wiya peryu, wirva zika fude ən gwiyaatra da təlg. Dəm kə kəs da ngura, ka dala da vak tar, ən dəgən təghər kə yu, vadge da dəgala fət.

⁴⁹ Nəgha tsitar ən dəgən təghər kə yuwa, ba ude a sawal ən tə fik nəv itar. Ka khula tsitar.

⁵⁰ Wirva daghan tara a nəgha tsitar, ka gədzəf itar char.

Kujad kujada ka kwaratər khai ad lava kwarne, “Khəna mana khəna rəvur, ka fəka. A dūwam gədz.”

⁵¹ Ka dagh da peryu ən vak tar, ka ləbga fuden. A ndawatərəf char.

⁵² Wirva a katlga ba itar ad dəge ən tuku baghandala ud dəb dliḡ na bi. Wirva dəkdək rəva tar.

⁵³ Darghəra tsitar kə dəlva, ka tsugwa itar ən kalam khaya ya Janisarat. Ka ngudana itar ad peryuwen ən tə ghay gərdz.

⁵⁴ Sawala tsitar ən peryu, təvin təvina, ka katlga udakh ad Yasu.

⁵⁵ Ka khwaya udakhen daks da khud kəsakh daghan. Ən zaḡado liye kwal yang itar ən tə pinakh tar, da daga vake da tsəne tar din Yasu.

⁵⁶ Itsa dal dəvarin, ən gədzar kəsakh, zə dləmdla kəsakh, awana məghakhe ən khud təghal, ən khana liye kwal yanga udakhen ən tə ḡala ḡal. Ən tatl Yasu itar kə khayatərnəf kə liye kwal yang, kə gəma itsa ghai gabag sar. Daghan liye a gəmana a mbakharu.

7

Tsagdutsaga dzidzakh

¹ Farisakha zə yakhaya kə li tsagdu ndzikha ndzikh Mus, ai sarawal ən Wurshalim. Dzafkai itar ən vak Yasu.

² Ka nəgha itar ad yakhaya kə furakh Yasu, ən zu kaf itar kwal parga tsitar ad dəv ndəke tsagdu dzidzakh tar.

³ Wirva Farisakha zə Yakhudakh daghan, na itar zu kaf kwal parga tsitsar dəv ndəke tsagatərdü

dzidzakh tar bi. Wirvən tsufada ndzikha ndzikh dzidzakh tar itar.

⁴ Da sa itar ən kasuk, na itar ən zu kaf bi, akwa pardu itar dən ndəke tsagatərdu dzidzakh tar. Ən tsufa tsufa itar ad yakhaya kə ndzikha ndzikh tar ai wuru itar zikən. Ndək zai pardu kwat khə6 yu, shakakh, zə shugudakhe mangud də vərshakanvə, zə vak zu kafakh tar.

⁵ Wirva yan, ka ndidarwal Farisakhen zə li tsagdu ndzikha ndzikhen kə Yasu, “Uda lava kə furakhagh kwal nəg ən gatars kə ndzikha ndzikh dzidzakhənd, kə zu kaf tsitar kwal par dən ndəkve tsagdu dzidzakhəndi?”

⁶ Ka nggawa tərkhai Yasu, ‘Kalkal lav tlayang tlayange tsa kwarga Ishay ən təghər kə tsukur kur mbadīrakh. Ndəke vindzanin kwarne, “Udakhən na uk ən fakghər də ghay itar, rəvakhud tara bita zə kə.

⁷ Ən dābaka buti itar, ən tsagdu ndzikha ndzikhe a bəga ud itar vadge ndzikha ndzikhe a bəga Yazhigəl.’

⁸ Duwars kur gatars kə ndzikha ndzikh Yazhigəl, ən gatars kə ndzikha ndzikh dzidzakhur kur.”

⁹ Ka zu vuk tsin də kwar kwarne, “Nəg kur də khida dūda ndzikha ndzikh Yazhigəl, kə wirva tsuf tsagdutsagur.

¹⁰ Wirva kwarga Mus kwarne, ‘Fargərafəg kə dadagha zə babagh, daga ude kwarga lav bəzan ən tə dad sar awana bab sar, ka kədgud.’

¹¹ Ai ən kwara kwara kur kwarne, da ka nəv udan kə bab sar awana dad sar, dəge tsa da mələkuru ka din, audzala kən barkhai kə Yazhigəl. A manga ba də khaip bi.

¹² Wirva yan, a khayarnəf ba kur kə ud ad məlaru kə dad sara zə bab sar bi.

¹³ Tə dəva də yan, a nandala kur lav Yazhigəl kə bat, wirva ndzikha ndzikhakh dzidzakhure ən tsagardu kur kə zarur. Ən manakha mana kur digitakh zikən ndəkva dəgakhen.

Dagakhe ən bəg udakh da nəga kə kwadlamb ən təvuk kə Yazhigəl

¹⁴ Ka gwidən Yasu ad ɖakhga dzakhava udakh, ka ni, “Tsənam ka tsəna itsawar, diyarsəf kur ad inan.

¹⁵ Na dəge ən ba udan da ghay sar, ai da nan kə kwadlamb ən təvuk kə Yazhigəl bi. Akwa dəge ən səgo ən khud sar da nan kə kwadlamb, ən təvuk kə Yazhigəl.

¹⁶ Daga ude də tlim tsən lav, tsənin ad lavan.

¹⁷ Ən təkhal kə təkaghəra tsin zə dzakhava udakh, ka dagh da məgh. Ka ndidarwal furakh sar ad dəge ən tuku jakva lavan.

¹⁸ Ka niya tsitar, “Atsuk a katlga bakh ghərura? Ən tsa bakh kur kwarne dəge ən ba udan da ghay sar bən na ud kə kwadlamb ən təvuk kə Yazhigəl biya?

¹⁹ Wirvən nabən daks da rəvakhud bi ən dəgdagh da khud, khalakyan ka səgawal ən vəgh. (Lav Yasu ən tə vana, a mədlanan kwarne, itsera kə dəg zuwa chuwaɖad kə zuwazu.)

²⁰ Ka zu vuk tsin də kwar lav kwarne, ‘Dəge səgo ən khud kə uda ən nan kə kwadlamb ən təvuk kə Yazhigəl.

²¹ Wirvən rəvakhud ud ən səgo ngudi ngudi ɖayaghərah, ai bəgan da man dəgakhe kwal khwar, ndək zai garnak, gəl, zə kəɖ safa ud.

²² Gwaragwar, khuwa, kɛlada, valdu ud, kuɖ bɛg zhiru, shilga, bazdu ɖakha ud, nagh ghɛr, zɛ dlɛgɛr dlag.

²³ Dagħan dɛg nguɖi nguɖiyakhan, ɛn sɛgo ɛn khuɖ kɛ ud, tsuguna in ɛn nan kɛ kwadlamb ɛn tɛvuk kɛ Yazhigɛl.”

Fadaghɛrofɛg nuse ɛn kɛs ya Surifiniki

²⁴ Ka ɖuɖa Yasu ad vakɛn, dagħ da ɛntla khaya Taya zɛ Sidon. Ka dagħ da mɛghɛn, tsuguna ɛn nagh ba tsatsɛg ak itsawar bi, dɛmbiyanɛna, a ɖɛghafkhai bi.

²⁵ Uk tsɛna tsɛna kɛ nuse ɛn kɛɖa shatan ad dughw sar ad lavɛn tɛghɛr kɛ Yasu, ka sagħa kɛlgan ad juguv ɛn tɛvuk sar.

²⁶ Nusɛn tsuguna liye kwal Yakhudakh. A yavɛn Finiki ɛntla khaya ya Suri. Ka tatɪ Yasu tsin kɛ ɖardal wurdu sɛgawal ɛn vɛgh kɛ dughw sar.

²⁷ Ka nɛv Yasu tsin, “Duwaks ɖuwa bara bɛg ka dɛg zuwa kɛ zaren (Yakhudakh) ndan, wirva kalkal ba ka ɖatɛrvalud dɛg zuwa zara, ka li-yarduwud kɛ ghɛdakh bi.”

²⁸ Ka nɛv nusɛn, “Ai ndɛk yan Dad Zikan, ai ghɛdakh ɛn vaduvada itar ad kwacha kafakhe a ɖalal ɛn tɛ vɛlang zu kaf zar.”

²⁹ Ka nɛv Yasu tsin, “Wirva lavana a kwargakh, gwiya daks da mɛgh, a tɛkaghɛra wurdu zɛ dughwagh.”

³⁰ Ka wura da mɛgh, tlargħɛr kɛ dughw sar ɛn khɛngan ɛn tɛ pin, audzala wurduwen ɛn dala dɛg ɛn vɛgh sar.

A mbandu Yasu ad tɛng ai kwal tɛkha kɛ kwarga lav

³¹ Ka đuwars Yasu ad kəs ya Taya, ka dal da dəlva Galili, diwa Sidon zə Dikapolis (kəsakh kəldək).

³² Ka ɓardəghər yakhaya kə udakh ad tənge dlakh kwar ghay tsin, ka tatl Yasu tsitar kə barghər dəv tsin, ki mbəga tsin.

³³ Təkhəl kə ɗakhga tsin udanen ən təb kə dza-khaya udakh da tə kalam. Ka ba Yasu ad wirik dəv sar da tlim kə tengen, ka təfaw ad shaghwwai ən tə zər dəv sar, ka gəman ad rikha udanen din.

³⁴ Ka lando Yasu ad ghər da gharazhigəl, ka gəlf niya zikzik, ka niya tsin, “Iffata” Dəge ən tukuwina in kwarne “Ngurəf ngur.”

³⁵ Kwarga tsin ndəkyan, ka ngurəf tlim udanen. Ka tasla nəv rikh sar a vədgan, ka farsa kwar lava tsin khwaraniyan.

³⁶ Ka ndədatərnəf Yasu ad tlim kwarne, kwarara ba itar kə itsawar ad däge a dzoghər bi. Itsera kə sart ən kwargin kwarne kwar ba itar bi, ka zu vuk də kwardu laven itar.

³⁷ Dəgən na mangina a ndawatərəf kə udakh char. Ka nəv itar, “A mangan ad itsaɗɗa kalkal. A ba də təngakh, da tsəna lav. Liye kwal təkha kə kwarga lava, ka kwar lava.”

8

A baghandal Yasu ad udakh dəb ufaɗ

¹ Ən khənakhena, ka gwidən dzafkhai udakh zikən da vak Yasu. Fatsiye a mbasu dæg zuwa tar, a ɗakhga Yasu ad furakh sar da vak sar. Ka ni,

² “Ən man kwidkwidərv udakhana kə, khəkərd khana tsitar zə kə, kəvena na däge da zuwa itar bi.

³ Da đuwatərs ka daks da məgh də way, da mbada itar ən tə ɗul, wirva chaləm tara a sara kə bit.”

⁴ Ka nəv furakh sar tsin, “Ai da mbəladu ən varud ad dæg zuwa zikən ən khud təkhal na ndəkin, ai da bagha təra bagha kə udakhan na daghani?”

⁵ Ka ndidatərwal Yasu, “Ngərwa brudiye din kuri?”

Ka nggawar khai itar kwarne, “Udif.”

⁶ Ka kwara tərkhai kə udakh kə ndzakhga ndzakh ən tə khay. Bəf tsin brudina udif, ka kwar sus tsin kə Yazhigəl, kalanan, baran kə furakh sar kə takatəra taka kə udakhen. Ka manga furakhen ndəkyan.

⁷ Næg itar də mbisan na kə kilfakh khədīkən tsugun. Ka kwarar khai də sus kə Yazhigəl, kə wirva kilfakhen tsugun. Kwara tərkhai kə furakh sar kə takardu taka tsitar kə udakh, ad kilfakhen tsugun.

⁸ Azu udakh baghala itar. Təkhal kə zuzuwa tsitara, dzakhanəf furakh sar ad tughub udif ake təmatəru kə udakh.

⁹ Tsa ghwalvakh dəb ufaɖ ən vinen. Təkhal kə bəlatərs bəla tsin daks,

¹⁰ təvin təvina ka dagh da peryu zə furakh sar, da əntla khay Dalmanut.

A ndidarwal Farisakha kə Yasu kə manatra dæg ndawak

¹¹ Ka sagh yakhaya kə Farisakh da vak Yasu, farsa itar man tsugu zə zin. Ən gat mədlatra dæg ndawak itar. Kə mədla kwarne, a khayanəf Yazhigəl din.

¹² Ka safa tsin gəlf də ndzəɖ, ni. “Uɖa lava kə udakh kwargən ən ndid dæg ndawaki? Ən təkha kura təkha kə, na dæg ndawake da mədlatrud bi.”

13 Khalak yana, ka duwatərs, ka gwiya da peryu. Dal da tē tlərna ghədzəva gadzak.

Yista Farisakh zə dəg Khirudus

14 A mbitsa tərghər zəḅ brudi kə furakh Yasu, uk brudi kitakul ən peryuwen.

15 Ka nəv Yasu tsitar, “Tsukwamana ghər dəgi, dem nikur kə yista Farisakh zə dəg Khirudus.”

16 Ka farsa itar ad kwarakava lav ən tatak tar kwarne, “Wirva na brudi ən vak mar bi, in kə mangan kə kwar ina tsin.”

17 Tsa kə Yasu ad lave ən kwara itar. Ka ndidatərwal, “Ən kwara kə uḁa kur kwarne nakur də brudi biyi? Sakhkana a katlga ba kur biya? Tsuguna, a diyarsəf ba kur biya? Uḁa lava kə rəvura dlaḅ dəkdəki?

18 Nəg kur də diyakh, uḁa lava tsukur kwal ən nəgha nəghi? Nəg kur də tlimakh, uḁa lava tsukur kwal ən tsəna tsəni? A dzamana bakh kura.

19 Ən sarte tsa kalanaka brudi dliḅ, kə udakh dəḅ dliḅ, ngərwa tughubakh, ake təmgan a dzakhanəf kuri?”

Ka nəv itar, “Kəlatəm mits.”

20 “Ən sarte tsa kalanaka brudi uḁif, kə udakh dəḅ uḁaḁ, ngərwa tughubakh, ake təmgan a dzakhanəf kuri?”

Ka nəv itar, “Uḁif.”

21 Ka niya tsitar, “Dambiyanena, dla kur kwal katlgana?”

A mbandu Yasu ad ude ngulf ən Betsaid

22 Sa tsitar da Betsaid, ḅadəghər yakhaya kə udakh ad ngulf da vak Yasu. Ka takad Yasu tsitar kə gəma gəma tsin, kə mbambəg tsin.

23 Ka khutanan ad ngulfen ən tə dəv, ndadəl da təlǵ kəs. Təfara tsin shaghwvay da di kə udanən, baw ad dəv sar ən təf. Ka ndidərwəl, “Ən nəgha nəgha kha digita?”

24 Ka lando ngulfen ad ghər, ni, “Ən nəgha nəgha ka udakh, ai ən vastra ngwada ufakhe ən gwayava kə.”

25 Ka gwidən bo Yasu ad dəv sar ən tə di udanen. Ngwarəf di sar charang. Ka farsan ad nəgha vak tsugun. Ka nəghan ad itsauda chadad.

26 Ka ǵəlarə Yasu daks da məgh, ka kwar khai tsugun, “A duwa daks diwa khud kəs.”

A kwarga Bitrus kwarne Yasuwa in Kristu

27 A duwars Yasu zə furakh sar ad kəs Betsaid, da itar da gədzar kəsakh ən khaya ya Kaisari Filibi. Madəv itar ən dəǵa, ka ndidatərwəl kə furakh sar, “Warek ka vek udakhi?”

28 Ka nəv itar tsin, “Av yakhaya Yukhan dadak para ud khə. Av yakhay Ili khə. Av yakhaya tsuguna kha fang ən təb kə tlayanggakhe tsa dur.”

29 Ka niya tsitar, “Ai kur ma? Warek ka vek kuri?”

Ka nggawar khai Bitrus kwarne, “Kha Kristu.”

30 Ka ndədətərnəf Yasu ad tlim, kwarara ba itar kə itsawar ad lavən təghər tsin bi.

A kwarga Yasu ad khulfəmtse da manin

31 Ən təkhal kə yan, ka farsa Yasu ad tsagatərdu tsaga kə furakh sar kwarne, “Ka Zər Ud, da khəǵa khəǵa ka dləd char sikh sikh sikh. Malanakh ən təghər kə udakh, zə zik zikan na kə zil kəsakh, zə li tsagdu ndzikhə ndzikh, da dukda duwa itar. Da

kəḏ kai kəḏud, ən tə fitsa khekərḏa da tsiya kən nggitl.

³² A kwara tərkhai ad ina kə lav ən ɓal a ɓəghana bi, ka ndaḏala Bitrus ad Yasu da tə kalam, ka farsa tavarghər di tsin.

³³ Ai guyafkhai kə Yasu, ka vazgan ad chaləm furakh sar. Ka tavarghər ad di kə Bitrus, “Tsiya dəgal ən təvəgh tsəka kha Shatan, rəvagh a khayanəf ba də dəge ən nagha Yazhigəl bi, ən khaya dəge ən nagha ud dəg sig.”

³⁴ Ka ɗakhga Yasu ad dzakhava udakh zə furakh sar da vak sar. Ka ni, “Dəghwa ude ən na nəga kə furara, akwa ɗudin ghər sar, ɓəfin ufa khərta sar, ka gataks in.

³⁵ Wirva dəghwa ude ən na kat safa sar, da bəghəmb. Ai dəghwa ude ən bədu safa sar wirva kə, zə kə lav Yazhigəl, da gəmadu gəma də safa kə ngəḏ.

³⁶ Khwara ndək uḏa da gəmadu udan ad digit daghan ən lard, ai ka bəghalən safa sari?

³⁷ Udən da bədu udan kə dleva safa sari?

³⁸ Itsawar ən man zhiruwar, zə zhiru kwardu lavar, ən ngudi ngudi kwargən, ka Zər Uda, da man zhiru sar kən sarte da səgadagh kən ndanga Dadar, dagha zə zar ɓəla Yazhigəl.”

9

¹ Ka zu vuk tsin də kwar kwarne, “Ən təkha kura təkha kə, nəg yakhayin ghitsən van, na itar da mətəsa bi, akwa nəgha itar ad tləksa Yazhigəl, ai da mədlo də ndzəḏ.”

Mbədva kə vəgha Yasu

² Ən təkhal kə khəna ənkwakha, ka dal Yasu zə Bitrus, zə Yakub, zə Yukhan, ka ɓətəro dugo da tə

ghu6e tsəbanyan, vake uk itar tukudā tar. Ən tə vina ka mbədfkhai vəgha sar ən təvuk tar.

³ Gabag sara a nala kə madakw til ən wud char ən zə6ara di kə ud. Na dadak ghu6 kadlang ən lard ai da təkha kə ghu6gan da tə madakw sar bi.

⁴ Dzagwdlam, ka mədlawala Ili tlayang zə Mus tlayang, ən kwar lava itar zə Yasu.

⁵ Ka nəv Bitrus kə Yasu, “Maləm, khwarenən vana kənd. Manga mana kənd ad tsikw khəkərd, fang tsəkha, fang kə Musa tlayang, fang kə Ili tlayang.”

⁶ Ən tsa ba də dəge da kwarin bi, wirva khəkərd dagha tara a gədzəf itar char.

⁷ Ka sadagh ghwikwa, khəmbatərgħər. A tsəna tsud lavən ghwik kwarne, “Zəraren, ən waya waya kə. Tsənamaru tsən.”

⁸ Balakhga tsitar ad diya, a gwidən ba itar nəgha itsawar bi, uk Yasu.

⁹ Madəv Yasu zə furakh sar ən səgdagh ən ghu6, ka ndəfatərnəf Yasu ad tlim kwarne, kwarara ba itar kə itsawar ad dəge a nəgha itar bi. Akwa tsiyakəfud ka Zər Ud ən nggitl.

¹⁰ Wirva yana, ka du itar ad lavən ən khud tar. Ən dəya kava dəya itar ən təb tar kwarne, “Udā dəge ən tuku tsiyin nggitl a kwarga Yasuwi?”

¹¹ Khalak yana, ka ndidərwal itar kə Yasu kwarne, “Udā lava kə li tsagdu ndzikha ndzikh ən kwarne, khekwa Ili tlayang da sodagh chak kə Kristuwi?”

¹² Ka nggawa tərkhai Yasu kwarne, “Barari Ili tlayang da sodagh chak, kə dika itsaud, kalkal ndəke ən naghud. Wirva yan, ai udā lava tsin

vindzan kwarne, da khə6 khə6a Zər Ud ad dlad char zə dūda duwa tsudi?

¹³ Ai ən təkha kura təkha kə, audzal Ili tlayang ən sodagh səg. A manarkhai udakh ad daga dəge ən naghə rəva tar. Ndəkve vindzanin ən kadkad lav Yazhigəl ən təghər tsin.”

A mbanu Yasu ad zərə də sədīkw bəzan

¹⁴ Gwiyoğhər kə Yasu zə furakhna khəkərd da vak furakhe tsa təmgan, ka nəgha itar ad dza-khava udakh a tsatərhəran kə furakhen. Li tsagdu ndzikha ndzikh Mus tsuguna, ən manakava tsugu zitar.

¹⁵ Ba uk nəgha nəgha kə dzakhava udakh ad Yasu, ka a ndawatərf char, ka khwaya tsitar da gama gam.

¹⁶ Ka ndidatərwal Yasu kə furakh sar kwarne, “Tsugu udən mana kur zə itar ra?”

¹⁷ Ka nggawar khai udanen ən təb kə dzakhava udakh kwarne, “Maləma, a 6akhdəghər ka zərar ai də sədīkw bəzan ən vəgh tsin, ai gadlarkhai ad kwar ghay.

¹⁸ Itsəra kə sart ən tsukwarghərin, ka tləvarghər da khay. Ka səgawala kubən ghay tsin, ka kərd tliḏ tsin, ghulala jigh. A takadga ka furakhagh kə lakwadal sədīkw bəzan ən vəgh sar, ai a piyatərwal.”

¹⁹ Ka nəv Yasu tsitar, “Kur udakh kwargən, li khətsa fadəghərofəg. Da zulu pak uḏa kən gida zə kuri? Da zulu pak uḏa kən bəg rəv də kuri? A nəgham zəren da vakar.”

²⁰ Ka 6ardəghər itar zəren. Nəgha kə sədīkwən ad Yasu, kujad kujada, ka tatəg tsin ad zəren, ka 6əlal zəren da khay. Ka kudmbəl kudmbəl dəva tsin ən tə khay, də kubən ghay.

21 Ka ndidarwar Yasu kə dad zəren, “Yawa farsin manara mani?”

Ka nggawar khai dad zəren kwarne, “Gwil ən zara tsin.”

22 Ka zu vuk tsin də kwar lav, ngərwa sig tsin ən tlavarghər tlava da kar zə yu kə kədga kəd. Da nəg dəge da təkha kha kə mangan, ziwa kəndalakh, mələkəndu khə.”

23 Ka nəv Yasu tsin. “Udā lava tsəkhən kwar kwarne, da da təkha khi? Itsauda ən manawa mana kə dadake a fadəghəro.”

24 Təvin təvina ka nəv dad zəren, “A fadəghəro kə. Mələku məla kə səgakarghər fadəghəro fəgar.”

25 Nəgha kə Yasu ən saks dzakhava udakh da vak sar də khway, ka tavarghər ad di kə sədikw bəzanen. Ka ni, “Kha sədikw bəzan, khe ngədlarkhai kwar ghay kə zəren. Ən kwara kha kwara kə, sawal səg əmb, aghba khən da damb bi.”

26 Ka khula kə sədikw bəzanen, gwidzanəfa, ka sawal ən vəgh sar. Ka khənga zəren ən khay ndək mətəsa ud. Wirva yan, nəv udakh zikən, “Amtsəgan.”

27 Ka khutana Yasu ad dəv zəren, tsiyanəf, ghits-gan ən tə siga sar.

28 Da kə Yasu da məgh, ka ndidarwal furakh sar bəghaniyan, “Udā lav a piyakəndwal bədal sədikw bəzaneni?”

29 Ka nggawa tərkhai Yasu kwarne, “Khulfina kə sədikw bəzan na, uk dəgawa kalti ən bado.”

A gwidən Yasu ad kwar lav ən təghər kə əmtə sar

³⁰ Ka đuwars Yasu zə furakh sar ad vaken, dala itar, dəgal diwa khaya Galili. Nagh ba Yasu ad tsatsəg kə itsawar ad vake din itar bi,

³¹ wirvən tsagatərdu tsaga kə furakh sar. Ka niya tsitar, “Da bəkdu bugud, ka Zər Ud da dəv kə udakh. Ka da kədka kəda itar kə əmts, ən tə fitsa khəkərda, da tsiya kən nggitl.”

³² Ai a katlga ba itar ad tsagdu tsaga sar na bi. A ndidarwal ba itar tsugun bi. Wirvən gədza gədza itar.

Warek zikan daghani?

³³ A sa Yasu zə furakh sar da Kafarnakhum. Da kə Yasu da məgh, ka ndidatərwal kə furakh sar, “Uda tsən kwara kava kur ən tə duli?”

³⁴ Ai ka ndzəga itar tərɪd, wirva tsən kwara kava kwara itar ən təb tar, ən təghər kə, warek zikan daghan ən təb tar.

³⁵ Ka ndzəga Yasu, đakhgan ad furakh sar kəlatəm mits, niya tsitar, “Dəghwa ude ən na nəga kə dəg chak, barari tsin nəga kə dəg ngidəngid, nalin kə dadak manara tlər kə itsawar.”

³⁶ Ka bədəghər ad zər khədikan ghitsanan ən təb tar, ka bələghər ad dəv sar, ka niya tsitar,

³⁷ “Itsawar ən chauga zər khədikan ndək inan ən đakhar, ka chaukayin. Dadake chaukaya, ka kitakul ba chaukayin bi, zəva dadake a bələkondagh a chaugin.

Ude kwal tlughuma zə kiyama dəg mar

³⁸ Ka nəv Yukhan, “Maləm, nəgha tsəkənda udanən ən bado sədikw bəzan ən vəgh kə udakh ən đakhagh. Ka gadlar khai kənd, wirva na ba zə kiyam bi.”

³⁹ Ka nəv Yasu tsitar, “Gadlamara bi. Wirva na ude ən man dæg ndawak ən ɖakhara, təvin təvin tsuguna ka kwar lav bəzan ən təghər tsəka bi.

⁴⁰ Wirva ude kwal man tlughuma də kiyama dæg mar.

⁴¹ Ən təkha kura təkha kə, ɖaga ude ən kakuru yu itsən kwat khəɖikan, wirva a fadəghəro kur ən tə ka, ka Kristu. Naba da bəghən dæg siga sar tsa khəɖikən bi.

Dəgakhe ən bəg udakh da man khaip

⁴² Dəghwa ude a ba fang ən təb kə zar mbisan nan, liye fadəghəro ən tə kə da man khaip, a dara ngudərəmud zikan na kə vər ən kwind, kəd ɖaghud da ɖəlv.

⁴³ Da ɖəva ən bəgkhan da man khaip, əntlars əntla dəgal. Adara da də ɖəv kitakul kha da vake da mbəladu kha safa kə ngəd, təghər kə daks tsəkha də ɖəv mits da kara tsakaitsakai.

⁴⁴ [Vake,

“Kwade ən zutər zuwa naba itar əmtsa bi.

Karen tsuguna da təkħ bud kə kədgan bi.ʼ]

⁴⁵ Da ka sigagh ən bəgkhan da man khaip, əntlars əntl. Azəgha da ghurɖik kha da vake da mbəladu kha safa kə ngəd, təghər kə tləvkəɖaghud də sigakh mits da kara tsakaitsakai.

⁴⁶ [Vake,

“Kwade ən zutər zuwa naba itar əmtsa bi.

Karen tsuguna da təkħ bud kə kədgan bi.ʼ]

⁴⁷ Da ka diyagh ən bəgkhan da man khaip, ndəɖdu khə. Azəgha da də di kitakul kha da tləksa Yazhigəl, təghər kə tləvəghəɖaghud də diya mits da kara tsakaitsakai.

⁴⁸ Vake,

“Kwade ən zutər zuwa naba itar əmtsa bi.

Karen tsuguna da təkḥ bud kə kəḍgan bi.ʼ]

⁴⁹ Da chuwaḍa chuwaḍud ad itsawar də kar, ndəkve ən chuwaḍud dəg tsufa də tlugul.

⁵⁰ Tlugula khwar, da təkaghərin də nashnasha sara, da gwiyaḍəghər ndarud ad nashnasha sari? Nalnəg gidura zə tlərur ndək tlugul. Tsuguna, ka gida gabər kur ən təbur.”

10

Tsagdutsaga Yasu ən təghər kə pəcha səb

¹ Ka ḍuwars Yasu ad yanen kə vak, ka dal da əntla khaya Yakhudi, zə ghəḍzəva zagha Urdun. Ka gwidaḍən sawala dzakhava udakh da vak sar. A tsagatərdu ndəkve a kwiyalin.

² Ka saks kə yakhaya kə Farisakh da kura kura də ndid. Ka ndidarwal itar, “Kalkal nagh təkaghəra kə udan zə nus sara?”

³ Ka niya tsitar, “Uḍa təkha kurna Musi?”

⁴ Ka nəv itar tsin, “A khayarnəf Mus ad vindzara kadkad pəcha səba kə ud, kə lakwars lakwa dəgal.”

⁵ Ka nəv Yasu tsitar, “Tsa wirva bəngbəng rəvakhudur, tsa vindza kurkhai Mus adina kə ndzikh.”

⁶ “Ai gwil farsa vərḍlard, ‘A vərḍtərkhai Yazhigəl kə zila zə nus.’

⁷ Wirva yan, ka da ḍuwars udan ad dadsar zə babsar kə khəmbarva kə nus sar.

⁸ Ka mits dagha tara da nəga kə vəgh kitakul. Aghba itar mits bi, anala kə vəgh kitakul itar.

⁹ Wirva yan, dəge audzala Yazhigəl ən matlanəf matla, təkə ba udan bi.”

¹⁰ Gwiyoḡhər tsitar saks da məgh, ka ndidarwar furakh sar kə Yasu ən təghər kə təkaghəren.

11 Ka nggawa tərkhai Yasu, “Deghwa ude təkaghəra zə nus sar, ka zəbu ad tlərna nus, gwaragwar ən manin zin.

12 Ai da ka təkaghəra nus zə zil sar, ka zəbuwin tlərna zil, gwaragwar ən manin zin.

Zar mbisan zə Yasu

13 Tsən zaḡakhado zar mbisan udakh da vak Yasu, kə bakhatərghər dəv tsin, kə batərghər bark. Ai ka tavatərghər furakh sar ad di kə zaren.

14 Vazga kə Yasu ad dəge a mangga furakh sar, ka bazala rəv tsin. Niya tsitar, “Duwamada duwa zar mbisan saks da vakar, gadlamatra bi. Wirva tləksa Yazhigəla, dəg khutsak tar.

15 Ən təkha kura təkha kə, itsawar kwal khayanəf də tləksa Yazhigəl, ndəkve a khayanəf zar mbisan, a tək ba kə da da tləksa Yazhigəl bi.”

16 Ka tsakwatərəf də fang fang, ḡalatərghər ad dəv, ka batərghər ad bark.

Lav ən təghər kə dakhwale tluwandal

17 Tsif kə Yasu da duwars yanən kə vak, ka khwayoghər udanen da vak sar, kəlgan ad juguv ən təvuk sar. Ka ndidarwal kwarne, “Maləm charan, uḡa da mana ka kə gəmadu safa kə ngəḡi?”

18 Ka nəv Yasu tsin, “Uḡa lava tsəkhən ḡakhka də charani? Na ud charan bi, uk Yazhigəl kitakul.

19 Tsa tsəkhə də ndzikha ndzikhen, ai kwarne, ‘Kəḡ ba safa bi. Man ba gwaragwar bi. A duwa man gəl. Man ba shida dəge kwal nəgha tsəkhə bi. Biḡ ba də ud bi. Fəghəra fəg kə dadagha zə babagh.’ ”

20 Ka nəv daghwalen tsin, “Maləm, gwil ən zara tsəka ən tsufa tsufa ka dəgakhən na daghan.”

²¹ Ka vazga Yasu də vaza waiv. Niya tsin, “Digit kitakul kə khətsakh. Daks sakwdu sakwa daghan däge din khə, batra kha kwaḡ sar kə talagakh. Ka da gəmadu gəma kha tluwandal ən gharazhigəl. Təkhəl kə yana ka gataks khə.”

²² Tsəna kə dakhwalen ad lave kwarga Yasu, ka bazala rəv tsin. Təkavala də baza rəv, wirva nəg ləman tsin char.

²³ Ka vazakhga Yasu ad furakh sar, ka niya tsitar, “Da bəza daks kə dadak tluwandal da tləksa Yazhigəl.”

²⁴ A ndawatərəf kə furakh sar, tsəna tsitar ad lave kwargin. Ai ka nəv Yasu tsugun, “Zar mbisan nakhar, bəza daks kə ud da tləksa Yazhigəl.

²⁵ Da lakhlakh kə dləgwam daks ən tə dūl lipər, təghər kə daks kə dadak tluwandal da tləksa Yazhigəl.”

²⁶ Tsəna kə furakh sar ad laven, ka gwidən ndawatərəf char. Ka nəv itar ən təb tar, “Ai da ka ndəkyanina, war da gəmadu safa nən vak Yazhigəli?”

²⁷ Ka vaztərkhai Yasu, ka ni, “Ən vak ud dæg siga ən manawa bi, ai ən vak Yazhigəla itsauda ən manawa man.”

²⁸ Ka nəv Bitrus tsin, “Ai kənda ma, a dūwars kənda itsauda a gataks kənd.”

²⁹ Ka nggawa tərkhai Yasu, “Ən təkha kura təkha kə, na ude a dūwars fəta sara, itsa zarbabakh sara, zə dəghaubabakh sar, zə bab sar, itsa dad sar, itsa zar sar, awana gukhakh sar, wirva ka, zə lav zədan tsugun,

³⁰ ka piyarwala gəmadu dæg siga sar sig dərmək dərmək ən kwargəna bi. Da gəmadu gəma də

məghakha, zə zarbabakh, zə dəghaubabakh, zə babakh, zə zar, zə gukhakh. Gəmadu yaken tsuguna khekwa də dlad. Ən kwarge da saks, da gəmadu gəma ad safa kə ngəd.

³¹ Wirva zikən liye tsa dəg chaka, da nəga itar kə dəg khal. Liye dəg khal tsuguna, itar da nəga kə dəg chak.”

Dəg khəkərd ina kə Yasu ən kwar lavən təghər kə əmtsa sar

³² Ən təghər kə dül dəgo da Wurshalim Yasu zə furakh sar, Yasu ən mələtra vuk. Lave tsa kwarga Yasu, ən ndawatra ndawa kə furakh sar, ka liye ən gatəters gata tsuguna ən gədza itar. Ka gwidən ndədtəraga Yasu kə furakh sar na kəlatəm mits da tə kalam, ka kwara tərkhai ad dəge da dzoghər din.

³³ Ka ni, “Təkhina ən dəgo da Wurshalim kiyam, da bədu bəgud Zər Ud da dən kə zik zikan na kə zil kəsakh, zə li tsagdu ndzikha ndzikh. Da əntlara lav əmtsud. Ka da barəm bəg itar ən dən kə liye kwal Yakhudakh.

³⁴ Da nenenena itar, zə tafarva shaghwwai. Wadzaru itar kiḃa, zə kədga kəda tsitar. Ən təkhal kə khəna khəkərda da tsi.

Takaḃa Yakub zə Yukhan ən vak Yasu

³⁵ Ka sagh Yakuba zə Yukhan zar ya Zabadi da vak Yasu. Ka nəv itar, “Maləm, ən na kənda mana kəndkhe kha ḃaga dəge a takaḃga kənd.”

³⁶ Ka ndidəterwal Yasu, “Udən nagh kur mana kurkhai mana tsəki?”

³⁷ Ka nggawar khai itar, “Khaya kəndanəf khaya ndzəga ndzəg tlərna udənd ən tə dəva kafagh, tlərna udənda tsuguna ən tə dəva dleḃagh, ən sarte da səgdagh khən ndangagh.”

³⁸ Ai ka nəv Yasu tsitar, “Ən tsa bakur dəge ən takada kur bi, da təkha kur kə khəbga dlade da khəba ka? Awana da khayanəf khaya khə kur ad mana kura para tsud də khulf pare da man-akuda?”

³⁹ Ka nggauga itar, “Da təkha kənd,”

Ka nəv Yasu tsitar, “Da təkha kur kə khəbga dlade da khəba kə, parakuralud də khulf pare a parakadud.

⁴⁰ Ndzəgan ən tə dəva kafara zə dəva dlebara, na ka də ndzədə bədu bəg bi. Yan kə vakakha dəg liye audzalud ən dīkatərna dīk.

⁴¹ Tsəna kə chaləm furakh kəldək ad yan kə lav, ka bazala rəv tsitar ən təghər kə Yakub zə Yukhan.

⁴² Ka dakh tərkhai Yasu da tə dəva kitakw, ka ni, “Tsa tsukur liye a bəgud kə man tləks ən təghər kə liye kwal Yakhudakh, ən mədlatra tləks itar kə udakh tar. Zik zikanakh tar tsuguna ən mədlatra ndzədə tar.

⁴³ Da ndəkyan bən təbura bi. Ai daga ude ən nagh nəga kə zikan ən təbur, barari tsin nəga kə dadak mana kura tlər.

⁴⁴ Tsugun daga ude ən nagh nəga kə mal ən təghər tsukur, barari tsin nəga kə dadak mana tlər kə itsawarur.

⁴⁵ Wirva itsa ka Zər Uda də ghərar, a sodagh ba kə wirva dāba ka dāba tsud bi. Ai a sodagh kə dāba udakh kə, zə bədu safara tsəka kə kat da udakh daghan.

A mbanu Yasu ad ngulf

⁴⁶ Khalak yana, ka sagh Yasu zə furakh sar da Yariko. Madəv Yasu zə furakh sar zə dzakhava udakh zikən, ən duwars khud kəs, ka nəg ngulfen

ḏakha sara Batamawus (däge ən tuku Batamawus na, “Zər Timawus.”) Ən ndzəgan ən tə kalam ḏul ən takad.

⁴⁷ Tsəna tsin kwarne, Yasu ud Nazarat ən dəgal, ka farsa tləkha tsin kwarne, “Yasu Zər Dod, ziwakdal ziw.”

⁴⁸ Zikən liye tavarghər di kwarne, “Tərid nikh.” Ai ka gwidən tləkha tsin char, ən kwar kwarne “Zər Dod, ziwakdal ziw.”

⁴⁹ Ghitsga Yasu, ka ni, “Dakhamakdəghər ḏakh.”

Ka ḏakhga itar ad ngulfen. Ka nəv itar tsin, khənana rəvagh, “Tsiyiftsi, ən ḏakha ḏakh.”

⁵⁰ Ka tləvars ad ləgwit sar da tə kalam. Dəkut niya ghədzəvəf, khwayal da vak Yasu.

⁵¹ Ka ndidarwal Yasu, “Uḏən nakha manakha mana tsəki?

Ka nggawar khai ngulfen, “Maləm, ən na ka nəgha nəgh.”

⁵² Ka nəv Yasu tsin, “Dəg dəgal, fadəghərofəgagh kə mbakhu.”

Təvin təvina ka ən nəgha nəgh. Ka gatars kə Yasu dəgal.

11

A chauga udakh ya Wurshalim ad Yasu də khwadəg

¹ Sa kə Yasu zə furakh sar khəf də Wurshalima, da da dləmdla kəs Betfaji zə Betani, ən tə ghuḃa Olive. Ka ḃalanəf ad furakh sar mits.

² Niya tsitar, “Damdəgal da gədzər kəsin ən təvukur. Ba kur ən daksa, da nəgha nəgha kur gəlaḃa dlingw nggudan ən vin, ai kwal taḃa tsud ngala ngal. Vədamadəghər vəd saks da van.

³ Itsawar ən ndidakurwal, kwarne, ‘Uda lava tsukur ən zəb gəlaḅa dlingwna? Nikur tsina, ‘Dad Zikan ən naghan, da guyondəghər guya zula khədikən.’ ”

⁴ Ka dala itar, tlarghər itar ad gəlaḅa dlingwen ngudan ən tə ghay rang da tə baram. Da itar ən vədavəda,

⁵ ka ndidatərwal liye ghits ən tə vin, kwarne, “Uda lava tsukur ən vəda dlingw ni?”

⁶ Ka nggawa tərkhai itar ndəkve tsa kwara tərkhai Yasu, ka duwatərs udakhen dəgal də dlingw.

⁷ Badəghər tsitsar gəlaḅa dlingwen da vak Yasu, ka ḅalo itar ləgwitakh tar da təf, ka ndzo Yasu ən təf.

⁸ Zikən udakhe a ḅalga ləgwitakh tar ən tə ḅul, yakhaya tsuguna a ḅalakhga itar tlim ufakhe tsa patsadəghər itar ən təghal.

⁹ Liye ən təvuk sara zə liye gatərs gatən təlg, ən ḅichau itar kwarne,
“Bark kə Zər Dod”

“Bark kə dadake ən saks ən ḅakha Dad Zikan”

¹⁰ “A ndzawa bark kə tləksa Dad mar Dod ai da saks”

“Bark kə Yazhigəl ai ən gharazhigəl”

¹¹ Sa kə Yasu da Wurshalima, ka da da Fəta Yazhigəl. Ka vazarvala kə itsaud, fatsiye tsatsin kwarne a sawal ba dura bi, ka dal da Betani zə furakh sar kəlatəm mits.

A tlapga Yasu ad ufa ghədiv

¹² Təkətla sar, madv Yasu zə furakh sar ən ḅuda Betani. Ka ndzikənəf way kə Yasu.

¹³ Ka nəgha Yasu ad ufa ghədiv ngudəv kə bit, ka dəgal tsin da vaza zər ən təf. Da tsən da tə vəgh, na dəge a mbəladuwin ən tə bi, uk mas, wirva sarta yig zər ba yanən kə gədiv bi.

¹⁴ Ka nəv Yasu kə ufa ghədiven, “Na ude da gwidən zu zər ufagh bi.” A tsəna kə furakh sar ad dəge kwargin.

A chuwaḍanəf Yasu ad fəta Yazhigəl

¹⁵ Da kə Yasu zə furakh sar da Wurshalim, ka da Yasu da fəta Yazhigəl. Ka farsan ad lakw li sakw digita zə li dzaw ən vin. Ka tlagars ad vələng li mḅadḍu kwaḅ, zə vələng li sakwdu takalamasar.

¹⁶ Ka gadlarkhai ad zəḅ itsauḍ kə udakh dəgal diwa Fəta Yazhigəl.

¹⁷ Ka farsa tsagatərdu lava tsin kə udakh, ni, “Vindzan ən kadkad lav Yazhigəl kwarne, ‘Fətara da ḍakha də vak ḍəgawa kə daghan kəsakhud. Ai tsuguna ka nandal kur kə vak bəghava sənkarakh.’”

¹⁸ Tsəna kə zikzikan na kə zil kəsakh zə li tsagdu ndzikha ndzikh ad yan, ka gat ḍul kəd Yasu tsitar kəmts. Wirvən gəḍza gəḍza itar, wirva ḍəghwa ḍa-khava udakh a batra tsagdutsaga sar ad ndawak.

¹⁹ Bəlga kə khagwa, ka sawala Yasu zə furakh sar ən dləmdla kəsən.

²⁰ Təkəḍla pərt, madv Yasu zə furakh sar ən dəgal. Ka nəgha nəgha tsitar ufa ghədiv tsa tlapga Yasu a ghulal tangw da tə tləl.

²¹ Ka dzamana Bitrus, niya kə Yasu, “Maləm, vaza də ufa ghədiv tsa tlapgakh a ghulkaval.”

²² Ka nggawa tərkhai Yasu kwarne, “Famadəghərofəg də Yazhigəl.”

²³ Ɛn təkha kura təkha kə. Itsawar Ɛn kwarar khai kə ghuḅ nə, ‘Dəg dəgal, tləvdagh tləva ghəra da dəlv.’ Da bəga bin də tsugu Ɛn rəvakhud sar bi, a fədgħəro tsugin Ɛn tə dəge kwargin da dzoghər ndzəg, da manara manud.

²⁴ Wirva yan, Ɛn kwara kura kwara kə, itsauda Ɛn takadga kur Ɛn dəgau, famadəghəro fəg nggwada gəmadu kur. Da nəga kə dəgur.

²⁵ Da ghitsaga kur kə dəgau, da ka nəg ude a khutana kur Ɛn khudur, ɓisatərna kur. Ki zida ɓisa kura ɓisa kə Dadur ai Ɛn gharazhigəl ad khaipakhur.

²⁶ Ai da ka ɓisana ba kur bi. Ndəkyan kə Dadar ai Ɛn gharazhigəl na ba da ɓisa kura khaipakhur bi.

A ndidarwal udakh kə Yasu ad vake a mbəladuwin ndzəda sar

²⁷ Ka guyoghər Yasu zə furakh sar da Wurshalim, madv Yasu Ɛn gwayav Ɛn Fəta Yazhigəl. Ka sa zikzikan na kə zil kəsakh, zə li tsagdu ndzikh ndzikh, zə malakha Ɛn təghər kə dlam da vak sar.

²⁸ Ka nəv itar tsin, “Ɛn mana də ira kə ndzədakha də dəgakhani? War kə bakha ndzəda man dəgakhani?”

²⁹ Ka nggawa tərkhai Yasu kwarne, “Da ndidakurwal ndida ka digit kitakul. Da nggawake kur, ka da kwara kura kwara kə ad khulf ndzəde manda ka dəgakan.

³⁰ Kwarama ke kwar, para ude tsən mana Yukhan, a so Ɛn gharazhigəle awan Ɛn vak ud khi?”

³¹ Ka kwara kava kwara tsitar Ɛn tar kwarne, “Da ka Ɛn ghərazhigəla, nikiyam,’ Da ndidakiyamwal ndida kwarne, ‘Uda lava tsukur kwal fadəghəro dini?’

³² ‘Da ka ən vak uda, nikiyam,’ Ən gədza kiyam kə udakh, wirva itsawara a khayanəf kwarne, Yuxhana tlayang Yazhigəl.

³³ Ka nggawar khai itar kə Yasu, “Ən tsa bakənda bi.”

Ka nəv Yasu tsitar, “Na ghərar ən kwara kura khulf ndzəde ən manakha da ka dəgaxhan na bi.”

12

Jakva lav də li wuse batrə mud gukh Inabi ən dəva tar

¹ Khalakyana, ka farsa Yasu ad kwaratra lava də jakva lav, ni, “Nəg udanen a tukhgan ad inabi ən gukh sar. Ka tsarghəran də ghərgə. Təfgan ad fik pərts yu inabiyen, ndərar khai ad vak uf chaw kə dadak uf gukhen. Ən təkhal kə yana, ka bədu ad mbucha gukhen kə yakhaya kə li wus, ka dakaval da tlərna vak.

² Sa kə sarta tsəg inabi, ka bələndal ad zər tlər sar da vak li wus gukhen, kə chawardəghər tleva sar ən gukhen.

³ Ka vige tara, mbakən itar də kəd. Bəlars itar dəgal də dəv dli6.

⁴ Ka bələnəf ad tlərna zər tlər sar da vak tar, kədəf itar ən ghər, ka tsafanəf itar.

⁵ Ka gwidən bələnəf ad tlərən zər tlər, ka kədga itar. Ka gwidən bələnəf ad yakhaya tsugun zikən, mbakən itar kə yakhay də kəd, kədga itar chaləm kəmts.

⁶ “Təma ud fang a təmgan kə ude da bələn, in zər sar ai ən wayin. Ka bələndal kə dəg mbas, ni, ‘Da farghərfəg itar kə zərar.’

7 “Ka kwarakav khai li wus gukhen ən təb tar, ‘Auna makajen. Ausəgam, kədyamga kəd, dəg wura sara da nəga kə dəgmar.’

8 Ka viga itar ad zər saren kədge tar. Ka tləval itar da təlg ghərgħ ad tluvəgha sar.

9 “Udā da mana dadak gukh kini? Da saks da khadz li tsa wus gukhen, ka da batra kə tlərna udakh ad gukh inabiyen.

10 Atsuk a tugwa bakh kur vindzan na kə lav Yazhigəl ai ən kwar kwarne,

“Kure a dūda li khəg,
in kə nala kə kur khəga khwaran.

11 Dad Zikan kə mangga yan,
A nala kə dəg ndawak ən diyakh mar tsugun.’
”

12 Ka gat dūl vi Yasu kə zik zikan na kə zil kəsakh, zə li tsagdu ndzikha ndzikh, wirva tsa tsitar kwarne ən təghər tsitar a kwarga Yasu ad jakva laven. Ai ən gədza itar kə dzakhava udakh, ka dūwars itara, dakaval itar.

Ndidən təghər kə pəlara khadam kə Kaisar

13 Ən təkhal kə yana, ka 6əlandal itar ad chaləm Farisakh zə udakh ya Khiridus da vak Yasu, ki zədə viya vi ən tə dəva də lave da kwarin.

14 Ka sa itar da vak Yasu, nəv itar tsin, “Maləm, tsa tsəkənda kwarne dadak jirkh. Itsawar wiki-takw ən vakagh. Na khən bəg ghal ən udakh bi. Ən tsagdu lav Yazhigəle jir kha kə udakh. Kalkale, awana kalkal bakh pəlara khadam tsəkənda kə Kaisari?

15 Pəla nagh kənda pəl bakh kəndi?

Wirva tsa kə Yasu kwarne mbadīrakh itar. Ka ndidatərwal ni, “Uḏa lava tsukur ən na nggaka dləgdi? A nakam kwaḑ dawanen nəgha nəgha kə”

16 Bardərghər itar ad kwaḑen, ka ndidatərwal, “Vakdiya zə ḑakhəng inən təfi?”

Ka nəv itar, “Dəg Kaisar.”

17 Ka nəv Yasu tsitar, “Bamara bəg kə Kaisar ad dəg Kaisar, kə Yazhigəl tsugun ad dəg Yazhigəl.”

Ka a ndawatərəf.

Ndidən təghər kə tsiyin nggitl

18 Ka təkən Sadukiyakh, liye ən kwar kwarne na tsiyən nggitl bi, sara da vak Yasu də ndid.

19 Nəv itar, “Maləm, a vindza kənd khai Mus kwarne, da mətəga zərbab sar kə udan ḑuwars ad nusar kwal zər. Barari wura wura kə zərbab sar ad widəgen, kə yarkhai zar kə zərbab saren.

20 Ai nəg zərbabakhen udif. Ka ḑu dəg chak ad nus mətəgan kwal zar.

21 Ka ḑu dəg mits ad widəgen. Ka mətəga ghər sar tsugun, kwal zər. Ndəkyan kə dəg khəkhərd tsugun.

22 Ndəkvayan kə udif dagha tar, na ai yakhga zara bi. Kə dəg mbasa, ka mətəga nusen.

23 Kina fitsa tsiyen nggitla da nəga kə nusəngini, fatsiye udifdagh tara a zəḑaruwi?”

24 Ka nggawa tərkhay Yasu, ni, “A zadga ba kur bi, fatsiye ən tsa ba kur ad kadkad lav Yazhigəla awana ndzəḑa Yazhigəl bi.

25 Da tsiyifud ən nggitla, na lav zəḑ nus zə bədu səba bi, da nəga ndək zar ḑəla Yazhigəl ən ghərazhigəl itar.

²⁶ Ai ən təghər kə tsiyen nggitla, a tugwa bakh kur ən kadkade vindzga Mus? Ən təghər kə lave kwararkhai Yazhigəl ən təghər kə ndəgha kar ən suya? ‘Ai ka Yazhigəl Brahim, zə Yazhigəl Ishaku, zə Yazhigəl Yakub kə.’

²⁷ Yazhigəl tlamtsakh ba ka bi, dæg liye də safa kə. A mangga kur tle6”

Zikan kə ndzikha ndzikh

²⁸ Fang ən təb kə li tsagdu ndzikha ndzikhe ən vak tar, ən tsənatərval tsəna ad bəg tsuguwe ən mane tar, ka katlgan kwarne a nggawa tərkhai Yasu khwaraniyan. Ka ndidarwal, “Ən təb kə ndzikha ndzikh daghan, ira khwaran əmbi?”

²⁹ Ka nggawar khai Yasu, kwarne, “Ai khwaran na kə ndzikha, in ‘Tsənam tsən, Udakh ya Izrail. Yazhigəl Dad Zikan mara, Dad Zikan kitakul.

³⁰ Waya də Dad Zikan Yazhigəlagh də rəvakhudagh daghan. Də vəgha daghan. Də məkənagh daghan. Zə ndzədagh daghan.’

³¹ Dæg mitsa in kwarne, “Waya də tləghərwitəghagh ndəkva ghəragh.’ Na ndzikha ndzikhe malgan ad yakhana bi.”

³² Ka nəv dadak tsagdu ndzikha ndzikh, kə Yasu, “Kalkal däge a kwargakha,” uk Yazhigəl kitakul na tlər bi uk inen.

³³ Waya də Yazhigəlen də rəvaghə daghan, zə məkənagh daghan, zə daghan ndzədagh, zə way tləghərwitəghagh ndəkva ghəragh. In khwaran təghər kə bara digit kə Yazhigəl zə dæg tsuf.”

³⁴ Vazga kə Yasu a nggawar khai kwelemlem, ka niya tsin, “Bitə bakh də tləksa Yazhigəl bi.” Ən təkhal kə yana, na ude a gwidən ndidarwal bi.

Zər warek Kristu ra?

³⁵ Madv Yasu ən tsagdutsag ən Fəta Yazhigəl, ka ndida tsin kwarne, “Uda lava kə li tsagdu ndzikha ndzikh ən kwar kwarne Kristuwa Zər Dodi?”

³⁶ Wirva Dod də ghər sar, ən tə dəva də Səfikw Yazhigəla, a kwargan kwarne,
“‘Nəv Dad Zikan kə Dad Zikanar.

“Ndzəga ndzəg ən tə dəva kafar
khekwa ba ka də li dawagh
ən kus kə sigagh.” ’

³⁷ Dod də ghər sara ən dakhə də ‘Dad Zikan.’

Ka da nəga ndarin kə zər sari? Zikən dzakhava udakh ən tsən kən tsəna də khwadg.

Ndayən təghər kə li tsagdu ndzikha ndzikh

³⁸ Madv Yasu ən tsagdutsaga, ka ni, “Tsukwama ghər də li tsagdu ndzikha ndzikh, li way gwayava də zikzikan kə gabag. Ən naghə itar naghətdi nagh zə fatərgəhfəg ən tə bala kasuk.

³⁹ Zə batra vəj khwaran ən gud dzakhava Yakhudakh, zə vak khwaran ən vak khwadg.

⁴⁰ Ən bid widəgakh itar diwa zu dəgakh tar. Ən zulu zula itar ən dəgau, kə nəghatra nəghə tsud. Khulf yan kə udakhə da manatra taka lavud char, mal kə dəg yakhaya kə udakh.

A bədu widəge talag ad dəg buti də rəvakhud kitakul

⁴¹ Ən təkhal kə yana, ka ndzəga Yasu khefa də vake ən bəduwud ad dəg buti, ən vaz dule ən dida dzakhava udakh ad kwaḅ tar da vake ən bəduwud ad dəg buti. Zikən tluwandalakhe bakhdagħ ad kwaḅ tar dəmbər.

⁴² Ai ka sa widəge talag, ka bədagħ ad kalami vərshakanv mits, ai kwal do dat kwaḅ kitakul.

⁴³ Ka Dakhga Yasu ad furakh sar da vak sar, ka ni, ən təkha kura təkha kə, kwaɓe a bədagħ widəg na da dæg dī dæg buti na, a malgan ad dæg itsawar dagħan.

⁴⁴ Wirva dagħan tara khədīkən a bədu itar ən zika däge din itar. Ai widəg na ən talag sar a bəduwin ad daga däge dinin.

13

A kwarar khai Yasu kə furakh sar ad dule da khatada li daw ad Fəta Yazhigəl.

¹ Madv Yasu ən səgawal ən Fəta Yazhigəla, ka nəv fang ən təb kə furakh sar tsin, “Maləm, vaza də dīgan kurakhana zə khwara khəgakhən.”

² Ka ngawar khai Yasu kwarne, “Nəgha tsəkha adina kə khəgakhana? Na bai da dūdud ən tə vavak sar bi. Itsera tara da ndaza ndazud.”

³ Madv Yasu ən gidən tə ghuɓa Oliv, ger də Fəta Yazhigəl, ka sa Bitrus, zə Yakubu, zə Yukhan zə Ndros da vak Yasu ɓəghanyan.

⁴ Ka nəv itar, kwara kənda kwar, da dzoghər yawa ina kə digitakhi? Tsugun da zək ndək uɗa däge da nəghud da da dzoghər dəgakhana dagħani?”

⁵ Ka ngawa tərkhai Yasu kwarne, “Dem nikur khayamanəf ba valkurdu udan bi.

⁶ Da saks udakh zikən ən dakhar ən kwarne ka Yasu. Tsuguna, da valdu vala itar udakh zikən.

⁷ Da tsəna kur lav ən təghər kə pəga zə wilenga sar kə pəg, gədzam bi. Wirva barari dzoghər dzəg kə yakhen kə digitakh. Ai mbasa sara a sa ba ndan bi.

⁸ Kəsa da tsiyara tsiya kə tlərna kəs. Tləksa da kəl ghum itar ən təghər kə tlərna tləks. Da man

mbəda pəgdə mud ən vakakh sikh sikh sikh. Da nəg way tsugun. Dagħan yakhana kə digitakha, ndazhazha sar bi, farsafəg sar kə dlad.

⁹ Ka tsukwana kur ghər. Da bəkur 6a itar da vak takalav, zə kəf kur kədən ən vak dzakhava Yakhudakh. Da bəkur 6ud da təvuk kə maludakh zə shikakh wirva dakhər, ki kwaratra lav zədan tsukur ən təvuk tar.

¹⁰ Ai kəda saks kə mbasa sara, barari kwardu lav zədan na tsud chak kə dagħan udakh.

¹¹ Itsa yau ən vai kur khai itar zə bəkur 6a da vak taka lav, dzamam ba dəge da kwara kur bi. Kwaram kwara ba kur dəge a sakura da məkənur ən tə sarten. Wirva kur bən kwar lava bi, Səfikw Yazhigəl ən kwaran.

¹² “Ən tə yanən kə sarta, da bədu zərbab ad zərbab sar kə məts, dad tsugunsa da bədu bəg ad zər sar. Zara tsugun da tsiyara tsiya tar kə yakh tar, zəva kədtər kəda tsitar kəmts.

¹³ Da nagh kur ba itsawar wirva ka bi. Ai daga ude a bəgan ad rəv da tə mbasa, da mbəladu mbəla də kat.

Bəzan na kə mbakhəlakhe da saks

¹⁴ “Da nəgha nəgha kur dəg dzadlakhe, ən bazdu Fəta Yazhigəl, zə udakhe ən nenanən, ən ghitsən tə vakvake tsa kalkal ba ghitsa tsin bi, (dakake ən tugwado lavana katlga katlin dəge tukuwin). Ka liye ən əntla khay ya Yakhudi, barari khwaya tsitar dəgo da ghuəakh.

¹⁵ Ude ən ndzəgan ən tə ghər gud tsuguna, ya so 6in səgadagh da zə6 itsaud dəgal ən khud məgh bi.

¹⁶ Ude ən gukh tsuguna, ya guyo bin saks da zə6 nura sar bi.

¹⁷ Da næg dlad kə nəghwase də khud, zə liye də zər ən tə tukw dəv, ən tə yanen kə sart.

¹⁸ Kwam dægau, dzoghər ba khwayana ən sarta fagh bi.

¹⁹ Yən tə yanen kə sarta, da næg dlad char, khulfe kwal taḅa tsud manaman. Gwil farsa vərđ lard, tangw da tə ina kə sart. Aghbud da gwidən man khulf sar kə yanen bi.

²⁰ “Da tsa khətsana bud ad khənakhen bi, tsa na ud dæg sige da təma də safa bi. Ai wirva li dzəran na kə udakh Yazhigəl, da khətsa khətsa Yazhigəl ad khənakhen.

²¹ Ən tə yanen kə sarta, da ka nəv udan tsukur, ‘Vaza, auna Kristu ən van’ awana, ‘A niya ən vin’ ya khayamanəf bi.

²² Wirva Kristu filfilakh zə tlayang filfilakh da sakhgawal itar. Da manakh zik zikan na kə jakvakh, zə zik zikan na kə dæg ndawakakh itar kə valdu udakh. Da tsa təkhn kə manawan, da valdu vala itar zəva liye a dzərtəkhai Yazhigəl.

²³ Wirva yana, dem nikur, a kwara kur khai ka itsaudən sart.

Səgadagh Zər Ud

²⁴ Ən tə yanen kə khənakha, ən təkhal kə dzoghər dzəg kə dladakhen,

“ ‘Ka da nəga fatsi kə gurtl.

Təl tsuguna naba da khedəf bi.

²⁵ Kwadladlakh tsuguna ka da ɓaloɓalən

Səgadagh ən tə fef gharazhigəl.

Da gədiya gədyud ad ndzəɗakhe

Ən fəf gharazhigəl.’ ”

26 “Da mædlo ən tə yanen kə sart jakva Zər Ud ən tə fef gharazhigəl, ən səgadagh ən ghwik, də ndzəda zə ndanga char.

27 Da bəlondagħ bəla də zarbəlakh sar, kə dzakha dzəran na kə udakh sar, ən tə kalam lard dagħan. Tsiyif ən tə yan kə kalam lard, da tə yan kə kala-makh.

Dəge ən tsaga kiyama ufa ghədiv

28 “Tsagam tsaga digit də ufa ghədiv. Da farsin dīdu tlim kə dādo wilwa tlim, ən tsatsəg kur kwarne a khərzəga vi.

29 Ndək yan tsugun, da nəgha tsukur dəgakhən ən dzoghər dzəg. Tsa tsukur kwarne, a khərzəgan, ən tə ghay gud.

30 Ən təkha kura təkha kə, udakh kwargən, da ruga ba itar bi, khekwa dzoghər dəgakhana dagħan.

31 Gharazhigəl zə khaya da nige tar. Ai lave ən səgawal ən ghayara na bai kwal da rigħa bi.”

Na ude ən tsa khəna zə sart bi

32 “Na ude ən tsa khəna zə sart bi, itsa zarbəlakhə ən gharazhigəl, itsa Zərən, uk Dad kitakul ən tsan.

33 Dem nikur, dīkfəkhe kur, wirvən tsa bakur sarte da səgadaghin bi.

34 Ndək ude da dəgal da tlərna kəs. Madvin ən dūwada məgha, batrəm ad tlər ən dəv kə li man tlər sar. Ka kwarar khai ak itsera kə zər tlər ad tləre da manin, ka kwarar khai kə dadake ən uf məgh ad gīda dem.

35 Wirva yan, dem nikur, wirvən tsa bakur sarte da guyo dad məgh bi. Itsa kə khakhuga awana ən təb vid, itsa təkədlə pərt awana kə fatsi təghər.

³⁶ Da soǵhərin dzagwdlam, tlakurghər bin ən khənkhar bi.

³⁷ Dəge ən kwara kura ka, ən kwarara kə itsawar kə. Dem nikur.

14

A gatga malanakh ən təghər kə Yakhudakh ad dule da kədda itar Yasu

¹ Təmgə khəna mits kə khwadga ditsadits ai ən kwarud də khwadga brudiye kwal yist. Ka gat dūl vi Yasu kə zik zikan na kə zil kəsakh, zə li tsagdu ndzikha ndzikh bəghanyan, kə kəda kəda kəmts.

² Ai ka nəv itar, “Na kiyam da viya viya fitsa khwadga bi, wirva da tsiya gadla udakh.”

A dīyarəm nus ad wal bət bətan ən ghər kə Yasu

³ Madv Yasu ən kəs Betani, ən zu kaf ən fəta Bitrus ai tsa ndzikən fəch. Ka saks kə nusen də wal bətbətan ən khatakwa ai dzaw gan ən təf. Ka ngu-ranəf ad khatakwa, ka dīyarəm ad wal bətbətanen ən ghər kə Yasu.

⁴ Ka bazala rəv kə chaləm udakhe ən vin. Ka nəv itar kə itsawar, “Uda lava tsin ən bazdu wal bətbətan ai dzaw gan ən təf ndəkini?”

⁵ Azəgha tsa sukwdu ud, tsa gəmaduwud kwaḅ mal kə kwaḅe ən pəlarud kə dadak tlər ən vəg, ka batrud ad kwaḅ sar kə talagakh.” Ka tavarghər itar di kə nusen char.

⁶ Ka nəv Yasu tsitar, a duman ad nusən “Uda lava tsukur ən njəgharu njəghi? A manakai ad dəg khwaran.

⁷ Tsika fatsiya da kur zə talagakh. Təkha kur kə məlatru ən tə itsera kə sarte ən na kur. Ai ka, da dagh ba kiyam zə kur tsika fatsi bi.

⁸ A mangan ad khalavuwa däge a mangin. A diyo ad wal bətbətan an tə vəghar, ki da dika kə khəda ka da khəd.

⁹ Ən təkha kura təkha kə, itsa da kwardu ən varud lav zəda kə tsəna nən, ən lard daghan, dəgən na manga nusna da kwardu kwarud ki da dzama da dzam.”

¹⁰ Ka dala Yakhuda Iskariyoti kitakul ən təb kə furakh Yasu kəlatəm mits, da vak zik zikan na kə zil kəsakh, kə batərdu Yasu.

¹¹ Tsəna tsitar ad yana ka zədatru char. Ka marnarkhai itar lanji da bara kwaḁ. Ka farsa Yakhud ad gat dule da batərduwin ad Yasu.

A zu Yasu ad kaf khwadga ditsaditsa zə furakh sar

¹² Fitsa chak kə zu brudiye kwal yisti, fitsa khər mbaklak khwadga ditsadits. Ka ndidarwar furakh sar kə Yasu, kwarne, “Ən varən nakha da dikhakhana kənda vake da zu dakha kaf ditsaditsi?”

¹³ Ka ḡəlanəf Yasu ad furakh sar mits, niya tsitar, “Dam daks da dləmdla kəs, da gama kur zə ude ən ḡə shuguda yu. Gatams gat.

¹⁴ Da daghin da məgh, ka nikur kə dadak məgh, nəv maləm, “Mədlə kənda mədlə də gude da zudin kaf ditsaditsa zə furakh sar’

¹⁵ Da mədlakura mədlə də zikan kə gud lind, ai udzalud dikhana dika kə khwadg. Dikama kiyamana dəg zuwun vin.”

¹⁶ Ka dala furakhen da dləmdla kəsə, tlərgħər itar kə digitakh, ndəkve tsa kwara tərkhai Yasu. Ka dikhana itar ad dəg zuwa khwadga ditsadits.

¹⁷ Bəlga kə khagwa, ka sagħ Yasu zə furakh sar kəlatəm mits da məghen.

18 Madv itar ən zu kaf, ka nəv Yasu tsitar, “Ən təkha kura təkha kə, kitakul ən kur, ai ən zuwa kaf zə kə, da bəkdu bəg.”

19 Ka bazala rəv tsitar char. Ka nəv itar tsin də kitakw kitakw, “Ka nagha?”

20 Ka nggauga Yasu kwarne, “Kitakul ən kur kəlatəm mits na, ude ən zuwa kənda kaf ən kwat kitakul.

21 Da əmtsa Zər Ud ndəkve a vindzəgud ən təghər tsin. Ai ya dāngwa kə ude da bədu Zər Ud. Adara tsa yiga bu də yanən kə ud bi.”

22 Madv itar ən zu kaf, ka 6əf Yasu ad brudi, kwarar khai ad us kə Yazhigəl, ka kwachanan. Batran kə furakh sar, niya tsitar, “Chawam chaw, vəgharen.”

23 Ka 6əf ad kwate də yu inabi, kwarar khai də us kə Yazhighəl. Ka batran, daghan tara ka khə6aru.

24 Ka nəv Yasu tsitar, “Ina vizhar dæg lanji, ai dīduwud kə wirva udakh zikən.”

25 Ən kwara kura kwara kə, aghba ka da khə6 yu inabi bi, akwa sarte da khə6a ka tlərna wilwan sar kə yu inabi ən tləksa Yazhigəl.”

26 Bəlga kə Yasu zə furakh sar ad ndusa. Ka sawal itara, dal itar da tə ghu6 Oliv.

A kwarga Yasu ad dule da manda Bitrus ad tsugu tsatsəga sar

27 Ka nəv Yasu tsitar, “Daghanura da khwaya kur dəgal, da dukda duwa kur. Wirva vindzan kwarne, “ ‘Da kədga kədə kad dadak zighw,

Gida tuwagha da kwaza itar.’

28 Ai ən təkhal kə tsiyif tsiya tsəkən ngitl, kən da dala təghər tsukur da khaya Galili.”

29 Ka nəv Bitrus kə Yasu, “Itsa kwazga itar daghan, na ka da duwakhs duwa bi.”

30 Ka nəv Yasu kə Bitrus, “Ən təkha kha təkha kə, ən khudʹvidkhan, kəda wuga kə ghwachik sig mits, da bəg tsugu tsakatsəg kha sig khəkərd.”

31 Ka gwidən Bitrus ad khwarar kwara kwarne, “Itsa da əmtsa ki dagh, na ka da bəg tsugu tsakhatsəg bi.” A kwarakhga ndəkyan chaləm furakh sar daghan.

A manga Yasu ad dəgau ən Gatsamani

32 Ən təkhal kə yana, ka dala Yasu dagha zə furakh sar da tə vaken ai dakhdud Gatsamani. Ka niya tsitar, “Ndzamga ndzəg ən van, dəgal da dəgawa kə.”

33 Ka dāghga Yasu ad Bitrus, zə Yakub, zə Yukhan dəgal dagha zin. Ka soghər bazala rəv zə dzamghər kə Yasu.

34 Ka niya tsitar, “Rəvara righan da baza rəv, ai da təgh kə kədkai. Gidam gida ən van, dem nikur.”

35 Dal tsin da təvuk khədīkən, ka khəmbəgan də khudʹ khudʹ, ka dəgawa tsin kwarne, da təkhn kə manawan, bəkgħər bəd ad ina kə sarta dləd.

36 Ka ni “Dada, itsauda ən manawa man ən vakagh. Tsa bəkgħəra kha də ina kə dləd. Tsakhənmina, dəge ən na ka ba da manud bi, ai dəge ən nakh.”

37 Guyoghər kə Yasu da vak furakh sarna khəkərd, ka tlatərgħər ən khən khar. Ka niya kə Bitrus, “Siman ən khən khar kura? Atsuk təgh bakh kur kə manga dəm, kə dəg aw kitakula?

³⁸ Dem nikur zə man dəgau, ki khek da ɓəla tsukur da kura. Səḏikwa, ən nagma də man tlər kwaran, ma vəgha a khətsaru ndzəd.”

³⁹ Ka gwidən dala da dəgau kə dæg mits, ka gwayars kə dəgawe tsa chak.”

⁴⁰ Gwiyoghər tsin saks da vak furakh saren, ka tlatərghər ən khən khar, wirva khar ən di tsitar char. Wirvən tsa ba itar ad däge da kwarara itar bi.

⁴¹ Ka dala, gwiyoghər kə dæg khəkərd da vak furakh saren, ka niya tsitar, “Dlakh kur ən khən khar zə fətava? A tlal, vazam vaz, a sagh sarte da bəduwud Zər Ud, da däv kə li khaipakh.

⁴² Tsiyam tsi, ndziyam dəgal. Auna dadake da bəkdu bəg a sagh.”

A viyava Yasu

⁴³ Madv Yasu dlən kwar lav, ka sagh Yakhud ai kitakul ən təɓ kə kəlatəm mits, dagha zə dzakhava udakh zikən. Khwatan katsakarakh zə yagh-watakh ən dəvakh tar. Zikzikan na kə zil kəsakh, zə malanakh ən təghər kə udakh kə ɓəlatərəf.

⁴⁴ Yakhud dadak bədu bəgena, audzala kəbits tərkhai kəbitsa kə dzakhava udakhen kwarne, “Dadake da bruwa ka, in udanen, viyam viyən dəgala, khutana kur char.”

⁴⁵ Sa tsitara, ka dala Yakhud ger da vak Yasu. Ka ni, “Maləm, ka bru Yasu tsin.

⁴⁶ Ka viga udakhen ad Yasu. Khutana itar char.

⁴⁷ Ka ndəḏadal fang ən təb kə liye ən ghitsgan ən vin ad katsakar sar. Ka tsaɓgan ad vəɓ ndangan kə zil kəs, əntlardu ad tlim.

48 Ka ndidatərwal Yasu, kwarne, “Sənkarakh khəka, ən səgawal kur də katsakarakh zə yagh-watakh da vika viya?

49 Tsika fatsi da ka zə kur ən tsagdutsag ən Fəta Yazhigəl, a vikai ba kur bi. Ai manava kə righda dege a vindzgud ən kadkad Yazhigəl.”

50 Ka khwayala furakh sar daghan, dūwars itar.

51 Ka nəg dakhale a gatars kə Yasu, na gabag ən təvəgh tsin bi, uk ləgwit khəngan. Tsən naghā itar ad viya vi,

52 ka ngədlgan ən vak tar. Khwayal dəgal kwal kadlang ən tə vəgha sar.

Yasu ən təvuk kə li taka lav

53 Ən təkhal kə viga viya kə dzakhava udakhen ad Yasu, ka 6al itar da vak ndangan kə zil kəs. Ka dzafkhe zik zikan na kə zil kəsakh, zə malanakh ən təghər kə udakh zə li tsagdu ndzikha ndzikh ən vak kitakul.

54 A gatars Bitrus kə Yasu tsugun kə tsub, tangw da tə gəlvakh ndangan kə zil kəs. Ka ndzəgan ən vin da zə li uf udakh, ən dīr kar.

55 Zik zikan na kə zil kəsakh zə daghan li taka lav, ən gat udakhe da əntlarva lav fila fila kə Yasu itar, kə nəghda kədga kəda tsitar. Ai ka mbələdu ba itar bi.

56 Tsakhənmina zikən udakhe a sarawal kə ngatlarva fil. Ai fila tara a dzəf bən tə dəva kitakw bi.

57 Ka tsiyif yakhaya kə udakh, ka kwarga itar ina kə fil ən təghər kə Yasu.

58 “A tsəna tsəkənda ina kə ud ən kwar kwarne, ‘Təkha ka kə khətana Fəta Yazhigəl nə ai ndərga udakh. Ka ndərga ka tlərn ən khəna khəkərd. Ai ud ba da ndəran bi.’ ”

⁵⁹ Tsakhənmina, fila tara dzəf bən tə dəva kitakw bi.

⁶⁰ Ka tsiyif ndangan kə zil kəs ən təvuk tar. Ka ndidarwal kə Yasu kwarne, “Na kha də lave təkha kə kwargan ən təghər kə lave ən kwara itar ən təghər tsəkha?”

⁶¹ A mbəda ba Yasu ad khay bi.

Ka gwidən ndidarwal ndangan kə zil kəs kə Yasu tsugun, “Kha khə Kristu, Zər Yazhigəl dadak barka?”

⁶² Ka nəv Yasu tsin, “An nəv Yasu, da nəgha nəgha kur Zər Ud ən ndzəgan ən tə dəva kaf Dadak Ndan-gan daghan, zə səgdagh ən ghwik ən gharazhigəl.”

⁶³ Ka kwakhdu ndangan kə zil kəs ad katlang sar. Ka ndifatərwal, “Uda dla lava tsəkiyam ən gat tlərna shidakhi?”

⁶⁴ “A tsəna tsukur ad nena Yazhigəle a mangin. Uda dayaghəruri?”

Ka nəv itar, “Khwaran sara kədgud.”

⁶⁵ Ka tafarva chaləm udakh ad shaghwvai kə Yasu, mbusar khai itar ad vak di, ka kədəf itar. Ka nəv itar, “Kwara kənda lav tlayang tlayang, war kə kədfəkhe?” Ka bala li uf udakha, ka kədəf itar.

A bəga Bitrus ad tsugu tsa Yasu

⁶⁶ Ən təkhal kə yana, madv Bitrus ən ndzəgan ən tə gəlvagh məghen, ka sagh dugh kudig ndangan kə zil kəs da tə gəlvaghen.

⁶⁷ Nəgha tsin ad Bitrus ən dīr kar, ka vazarvar char.

Ka ni “Ghəragha da kur zə Yasu ud Nazarat nə.”

⁶⁸ Ka bəg tsugu tsin. Ka ni, “Ən tsa ba ka dəge ən kwara kha lavən təghər bi.” Ka dala da tə ghay rang.

⁶⁹ Ka gwidən nəgha nəgh kə dugh kudigen ad Bitrus ən vin, ka niya kə udakhe ən ghitsən vin tsugun, “Ina kə uda, kitakul ən li dagha zə in.”

⁷⁰ Ka gwidən bəg tsugu kə Bitrus.

Zula khədikəna, ka nəv liye ən ghitgan ən təvəgh kə Bitrus, “Kadkadiya ghəragha fang khən təb tar, wirva ud ya Galili khə.”

⁷¹ Ka farsa Bitrus ad tlap ghər sar, zəva wadatra wada tsin kwarne, “Ən tsa ba ka də udan nən kwara kur lavən təghər bi.”

⁷² Təvin təvin ka wuga ghwachik kə dæg mits. Ka dzamana Bitrus ad lave tsa kwararkhe Yasu, kwarne, “Kəda wuga kə ghwachik kə dæg mitsa, da bəg tsugu tsatsəgarakha sig khəkərd.” Ka tuwa tsin char.

15

A bəvala Yasu da təvuk Bilatus Gumn kə takara lav

¹ Pərta kədl, zikzikan na kə zil kəsakh zə malanakh ən təghər kə li tsagdu ndzikha ndzikh, zə daghan malanakhe ən təghər kə dlam, ka dəykavu itar dzanak. Ka ngudana itar Yasu, bala itar da təvuk kə Bilatus.

² Ka ndidarwal Bilatus kwarne, “Kha nagh shik ya Yakhudakha?”

Ka nggawar khai Yasu kwarne, “An ndəkve kwargakh.”

³ Ka kwarakh lavakhe a ngatlarva udakh kə Yasu, a zikzikan na kə zil kəsakh.

⁴ Ka gwidən ndidarwal Bilatus kə Yasu kwarne, “Na khən mbəda ghay ən təghər kə dægakhe a ngatlakhve tara?

⁵ Ai tsuguna a gwidən ba Yasu mbəda ghay bi, ka ndawanəf ad Bilatus.

⁶ Dəge a kuyala shik ən mana man ən sarta khwadga ditsa dits. Ən bəlarš ud kitakul ən gud sal, ai dauga udakh kə bəlarš bəl.

⁷ Ən tə yanen kə sarta nəg udanen dakha sar Barabas ngudan ən gud sal, dagha zə li tsaya gadle, kədgə ud ən sarte tsa tsiyanəf itar gadl.

⁸ Sa kə dzakhava udakha, ka farsa itar ad takad Bilatus, kə bəlatərnars ud kitakul ən gud sal ndəkve tsa kuyalin.

⁹ Ka ndidatərwal Bilatus kwarne, “Ən na nagh kur duwakurnəs ka də shik ya Yakhudakha?”

¹⁰ Tsa kə Bilatus kwarne wirva silg a bardəghər zikzikan na kə zil kəsakh ad Yasu da vak sar.

¹¹ Ai ka shakanəf zikzikan na kə zil kəsakh ad udakh kə kwar kwarne, bəlarš bəlin Barabas, ən dleva Yasu.

¹² Ka gwidən ndidatərwal Bilatus kwarne, “Ai ufa da mana ka də ude ən dakha kur də shik ya Yakhudakhi?”

¹³ Ka tləkha tsitar kwarne, “Khərtga khərtud.”

¹⁴ Ka ndidatərwal Bilatus, “Wirva udi? Ufa ghaze manggini?”

Ka gwidən tləkha tsitar kwarne, “Khərtga khərtud.”

¹⁵ Fatsiye ən nagh ba Bilatus ad bazatərdu rəv bi, ka bəlatərnars ad Barabas. Ən təkhal kə ba udakh tsin da dlagharu kiḅ kə Yasuwa, ka batran kə khərtga khərtə tsitar.

A tsafana tlujiyakh ad Yasu

¹⁶ Ka 6ala tlujiyakh ad Yasu da tē gēlvakh Gumn ai ən ɖakhɖud (Firitoriyum.) Ka dzanəf itar dakwal tlujiyakh daghan.

¹⁷ Ka talarəm itar gabag shalaraz ndəkva dæg shikakh. Faɖarkhai itar ad dzakw tak, ka barəm itar ən ghər.

¹⁸ Ka farsa itar ad nəghardi nəgha kwarne, “Dæg safagh da tē uragh, shik ya Yakhudakh.”

¹⁹ Ka farsa itar dlaghara yaghwat ən ghər, tafarve tar shaghvwai. Kalga itar juguv ən tēvuk sar, ən manara ɖaba nen itar.

²⁰ Udzala tsitar ən manara nena, ka səkhardo itar ad gabag shalaraz ai tsa talarəm itar, ka talarəm itar ad gabag sar. Ka 6ala itar da mel kə khərta khərt.

A khərtava Yasu

²¹ Madv itar ən tēghər kə dēga, ka gamga itar zē udanen ən dēgal ɖakha sar Siman, ud ya Sayirin, dad Alekzanda zē Rufus ən saks ən dlədla kəs. Ka barghər itar zə6 ufa khərt Yasu.

²² Ka 6ala itar ad Yasu da tē vaken ən ɖakhɖud də Golgot, (“Dēge ən tukuwin in kwarne, “Vak tlatl ghər”).

²³ Ka bara itar ad yu inabi la6an də mur. Ai ka kalwal kə khə6a khə6.

²⁴ Ka khərtge tar. Ka taku itar gabag sar ən tatak tar, ka tləv tsats tsitar ən tēf kə nəghda dēge da gəmadu itsawar.

²⁵ Ən tē kalkal karfi vaslambad tē kədl a khərtga itar Yasu.

²⁶ Vindzga itar ad lav file a ngatlva itar ən tē vak ghər tsin kwarne, “SHIK YA YAKHUDAKH.”

²⁷ Ka khørtga itar sənkarakh mits zin. Fang ən tə dəva kaf sar, fang tsuguna ən tə dəva dleḅ sar.

²⁸ Ina righa sar kə lav tlayang tlayang ai ən kwar kwarne, “A təgwanəfud ən liye mangga khaz.”

²⁹ Udakhe ən dəgala, tsən kwarakh lav nen itar, ən ngəts ghər itar, ən kwar kwarne, khe da khətana Fəta Yazhigəl, ka ndərga khən khəna khəkərd.

³⁰ Kata də ghəragh də səgadagh ən tə ufa khərt.

³¹ Ndəkiyan tsugun a nenena zikzikan na kə zil kəsakh zə li tsagdu ndzikha ndzikh Mus ad Yasu ən kwar kwarne, “A katgan ad yakhay, a təkə ba kə katga ghər sar bi.

³² Da ka Kristuwīn kadī, sodagh səgin ən tə ufa khərta na təkhi, ki da nəgha nəgha tsəkənda, ka khayənəf kənd.” Sənkarakhe khərtəgud zina, ghətar tsuguna a kwarar khai itar lav dəkh dəkhan.

Əmtsa Yasu

³³ Ən tə fatsi təghər, ka khədaru gurtl ad khay daghan, tangw da tə karfi khəkərd kə fatsi khakhug.

³⁴ Ən tə kalkal karfi khəkərdəna, ka tləkha kə Yasu də ndzəda char, kwarne, “Eloi, Eloi, lama sabaktani?” (Dəge ən tukuwin in, Yazhigəlara, Yazhigəlara, a dukde ndar kha ndikini?)

³⁵ Tsəna kə yakhaya kə udakh ən ghitsən təvin ad yan. Ka nəv itar, tsənam tsən, ən dəkh Ili tlayang.”

³⁶ Ka kwayala fang ən təb tar, ka lubanan ad soso də yu inabi kwarekrekan, siḅo ən tə uf, ka talaro kə Yasu kə khəḅa khəḅ. Ka ni, duwama da duwa ndan, wazyam vaz, ma səgadagh Ili tlayang da zəḅadagh zəḅ.”

³⁷ Ka tləkə kə Yasu də ndzəda char, ka gəlf niya dīga safa sar kə dəg mbas, ka mətsgan.

³⁸ Ka kukhum lægwit ghay gude Fəta Yazhigəl mits, tsiyif tə vak ghər da tə khay.

³⁹ Nəgha kə tlujiye ən ghitsən tə vin ad mətša Yasu, ka ni, “Kadiya, udan na Zər Yazhigəl.”

⁴⁰ Ghitsga yakhaya kə nəghwasa kə bit ən vazavaz. Ən təb kə li khitsena nəg Maryam Magdali, zə Maryam bab Yakub ai khəḏikan, zə Yusuvu, zə Salomi.

⁴¹ Yakhana kə nəghwas ai tsa gatars kə Yasu saks ən ən Galili, ən nəgharu nəgh. Zikən nəghwas a sara zin ən Wurshalim, ən vin tsugun.

Khəḏa Yasu

⁴² Daghan ina kə digita a dzoghər ən tə fitsa ḏika digitakh kə udakh. Khəna kəda fitsa nggi. Bəlga kə khagw

⁴³ Ka sa udanen ai ḏakha sara Yusuvu ud ya Arimati. Kitakul ən li taka lav, ghər sara kitakul ən təb kə liye ən gwit tləksa Yazhigəl. Ka da da vak Bilatus kwal də gədz kə takad tlu vəgh Yasu.

⁴⁴ Ka ndawanəf ad Bilatus tsəna tsin kwarne a mətsga Yasu. Ka ḏakhgan ad tlujiyen kə ndidarwal ndiḏa kwarne, kadi nagh a mətsga Yasuwa?

⁴⁵ Ndazhana tsin ən tə ghay kə tlujna, ka baran ad tlu vəgh Yasuwen kə Yusuvu.

⁴⁶ Ka sukwadəghər Yusuvu ad lægwit kəlpakan, zəḅadagh ad tlu vəgha Yasu ka mbusanan ən kəlpakanen, ka bəm ən nggitile a təfgud ən khurzəz. Ka tləgadagh ad gil, khəḏaru ad nggitlen.

⁴⁷ A nəgha kə Maryam Magdali, zə Maryam bab Yusuvu ad vake bava tlu vəgh Yasu.

16

A tsif Yasu ən nggitl

¹ Ən təkhal kə khəna fitsa fətav. Ka sukwadəghər Maryam Magdali, zə Maryam bab Yakub, zə Salomi, ad tərshin bətbətan kə masara kə vəgha Yasu.

² Pərta kədl fitsa khəna dæg chak kə fətav, də gwisəl, mədv itar dəgal da vak nggitla.

³ Ka ndidakava tsitar ən təbtar kwarne, “Ware kə da tliga kiyamdu kur ən tuk nggitleni?”

⁴ Ai vazo tsitar dəgo, ka nəgha itar kuren, na bakha kə zika bi, a audzalud ən tləgarwal tləg.

⁵ Da tsitar da nggiltən. Ka nəgha nəgha tsitar dakhwal zeren ən ndzəgan ən tə kalam dəva kaf ən ləgwit mədəkw. Ka gədzif itar.

⁶ Ka niya tsitar, “Gədzam bi. Ən gat Yasu ud Nazarat kur, ai khərtavan. A tsiyif aghbən vana bi. Nəghama nəgha vake tsa khənanud.

⁷ Ai damdəgal kwaramar tərkhay kwara kə furakh sar zə Bitrus, ‘In da dala tsitar da Galili. Da nəghan vin itar, ndəkve tsa kwara tərkhayin.’ ”

⁸ Ka khway tsitar dəgal ən nggitlən, də gədzəf ən təga vəgh titar. A kwararkhay bai tar dəge dzoghər kə itsawar bi, wirvən gədze tar.

⁹ Tsiyif kə Yasu ən nggitl təkədlə pərt fitsa khəna fətav. Ka mədlawal chak kə Maryam Magdaliye, a zəbardalin sədikw bəzan udif ən vəgh.

¹⁰ Ka dala kwara tərkhay kə furakh sar, zə liye baza rəva zə tu.

¹¹ Tsəna tsitar kwarne a tsiyif Yasuwa, tsuguna a nəgha tsin, ka a fadəghəro ba itar bi.

¹² Ən təkhal kə yana, ka mədlawala Yasu kə furakh sar mits ən tlərna jakv, madv itar ən dəgal da dləmdla kəs.

¹³ Guyaghər tsitar, ka kwarar khai itar kə chaləmakh tar. Ai ghər tar tsuguna a khayanəf ba itar bi.

¹⁴ Ən təkhal kə yana, ka soghər Yasu kə furakh sarna kəlatəm kitakw, madv itar ən zu kaf. Ka tavatərghər ad di wirva kud fadəghərofəg tar, zə bəngbəng ghəre a kalwal itara kə fadəghərofəg də lave a kwara tərkhai liye tsa nəghan ən təkhal kə tsiya sar.

¹⁵ Ka niya tsitar, “Damdəgal da lard daghan, kwaramdu lav zədan kə daghan ud dəg sig.

¹⁶ Daga ude fadəghəro, parandalud, da gəmadu gəma də saf. Ai daga ude kwal fadəghəro, da təkara lavud.

¹⁷ Auna dəgakhe da mana liye fadəghəro də kə, ai da mədla fadəghərofəg tar. Da zaḅado zaḅe tar sədikw bəzan ən dakhər, da kwar lav itar də ghay tlərna kəs.

¹⁸ Da zəḅa zəḅe tar bub də dəvakh tar, ai da ka khəḅu itar ngura, na dəge da manatərin itsa khədikən bi. Da bakhətər ghər bakha itar dəv kə udakh kwal yanga, tsuguna da mbəga itar.”

A ḅavo Yasu da gharazhigəl

¹⁹ Ən təkhal kə kwara tərkhai kwara kə Dad zikan Yasu ad daga lavakhana kə furakh sar. Ka ḅo dəgo da gharazhigəl, ndzəgan ən tə dəva kaf Yazhigəl.

²⁰ Ka dala furakh sar da kwardu lav Yazhigəl itsa dəvar. Dad zikan tsuguna ka a mələtru, a ndazhana kwarne kwardu lav tara jir, tə dəva də dəg ndawakakhe a mənge tar.

Gava NT

Guduf-Gava: Gava NT (New Testament) of Nigeria

copyright © 2024 The Seed Company

Language: (Guduf-Gava)

Contributor: Luke Initiative for Scripture Translation

This translation is made available to you under the terms of the Creative Commons Attribution Share-Alike license 4.0.

You have permission to share and redistribute this Bible translation in any format and to make reasonable revisions and adaptations of this translation, provided that:

You include the above copyright and source information.

If you make any changes to the text, you must indicate that you did so in a way that makes it clear that the original licensor is not necessarily endorsing your changes.

If you redistribute this text, you must distribute your contributions under the same license as the original.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

Note that in addition to the rules above, revising and adapting God's Word involves a great responsibility to be true to God's Word. See Revelation 22:18-19.

2025-07-02

PDF generated using Haiola and XeLaTeX on 26 Jul 2025 from source files dated 2 Jul 2025

c5714267-3149-5dc1-bdf8-ddc43a5cf0fe